


# MOHLOMPHEGI, RE

## RATA GO BONA JESU

 Ke a go leboga, Ngwanešu Borders.

<sup>2</sup> Le ka dula. Ke tšea wo go ba monyetla wo mogolo go ba mo, ka kopanong bošegong bjo, tlase ka Port Alberni, magareng ga bagwera ba ba lego baeti le basetsebye go lefase, ba diilelago bjale, ba letile go Tla ga Morena, go tšeelwa go Toropokgolo ye kaonana, Naga ye kaonana moo go sego lehu, go sego manyami. Gomme re letile nako yela ya go Tla ga Morena.

<sup>3</sup> E sego kgale kudu, ke bile le monyetla wa go ba le modiša wa lena, Ngwanešu Byskal. Gomme re bile le le lengwe. . . leeto le lennyane mmogo ka morago ga fao, leeto le lennyane la go tsoma godimo ka leboa la British Columbia, gomme o mpoeditše o be a dira boromiwa go batho ba Maindia, godimo mo, ka—ka Sehlakahlakeng. Gomme, oo, ka mehla ke be ke nyaka go thuša yo mongwe yo a lekago go thuša batho ba Maindia. Ke bile le maitemogelo a se makae, tlase ka Dinageng, le go bolela le Maindia, Navajo, le Maapache, le ba bantši ba bona tlase kua, le go hwetša tumelo ya go makatša bjalo. Gomme Ngwanešu Eddie, e sego ka fase ga go tlalelwa ke yo mongwe le yo mongwe, gomme ke rile, “Mohlomongwe nako ye nngwe ke tla ba le sebakabotse go tla kgauswi le go go thuša, Ngwanešu Eddie.”

O rile, “Ke tla thaba kudu bakeng sa seo, Ngwanešu Branham.”

<sup>4</sup> Kafao re mo bošegong bjo ka taletšo ya gagwe. Gomme morwa wa ka, o tlile godimo dinakwana di se kae tša go feta, gomme o fa ntle dikarata tša thapelo go rapelela balwetši. Ka mehla ga re dire seo go dikologa mašego a pele, ge e eya go ba kopano ye kgolo, go fihla re hwetša yo mongwe le yo mongwe go dula fase go fihla ba kwešiša. Eupša bošegong bjo, ka gore re no ba le mašego a mararo, ke rile, “Bokaone o fe dikarata tsoko tša thapelo, gomme—gomme re tla rapelela balwetši bošego bja mathomo, gore re kgone go thoma thwi go bapa.” Ke . . .

<sup>5</sup> Gomme o tlile, gomme o kopane le nna, gomme o rile, “Papa, go no ba selo se tee se sebe ka kopano.” O rile, “Go no ba mašego a mararo, e swanetše go ba dibeke tše tharo.” O rile, “Ba ke batho ba go ratega kudu.”

<sup>6</sup> Bjale, ga re tsoge ra ahlola batho ka ke bontši gakaakang ba lego beng, goba ke bontši gakaakang bja magae ba phelago ka go ona, ka fao ba aparago, re ba ahlola ka se se lego ka pelong ya bona. Fao ke mo Modimo a phelago, ka pelong. Gomme ge o hwetša bonolo, boikokobetšo, lerato, le. . . seo—seo ke se re

se ratago. Re no rata seo. Ke tswetšwe gape ka go sehlopha se sennyane sa batho boka se, nako ye nngwe, gomme ka—ka mehla ke be ke gopola gore ba be—ba be ba kokobetše kudukudu, batho ba go loka kudu, gomme ke bona ke phetšego le bona lefaseng, gomme ke a dumela ke tla phela le bona ka Letagong go kgabola mabaka a sa kgaotšego a tlogo.

7 Gomme ke elelwa boitemogelo bja ka bja mathomo ka go direla Maindia, gomme ke a nagana ba ke magagešo a Maindia a dutšego ntle fa ka pele, ke no eleletša bjalo. Gomme ke thabile kudu go ba le lena. Nna, Maamerika a kgonthe, yeo e nepagetše, Moamerika wa kgonthe, bona bao Modimo a filego Amerika go bona, Maindia. Kafao ke leboga kudu. Bona ba . . .

8 Tlase botebong ka ditšhikeng tša ka go ela feela nthatana ye nnyane ya madi. Makgolo wa mme wa ka o tšwa go lefeloboloto. Gomme ka mehla ke tšea ke tšea woo wo mongwe wa menyetla ye megologolo, go bolela gore tlase ka go nna ke karolo, ka kgonthe Moamerika. Ka gore go ne bokamorago bjo bonnyane, felotsoko, bja madi a Moindia ao ke a thabelago, go leboga kudu. Gomme ka mehla ke be ke nyaka go ba direla, gobane mme wa ka e be e le mohumagadi wa kgonthe. O nno ya gae Letagong, mokgekolo, ka boitemogelo bja kgonthe bja go bolokega ka matsogong a Kriste. Ke swere diatla tša gagwe ge Modimo a etla le go mo tšea, feela e sego kgale. Gomme ke tseba se a bego a le sona, le gore o be a le moratiwa bjang go nna, le mme, gomme ke—ke a mo rata. Gomme ke thabile kudu bošegong bjo go be ke direla batho.

9 Ke be ke le ka Arizona le lengwe . . . tee . . . mathomo a pele a bodiredi bja ka, gomme go bile . . . Bošego bjo bongwe, go tla go kgabola mothalo wa thapelo, e be e le . . . Ke be ke direla le batho ba go bolela Spanish, gomme go be go le Moindia ba babedi, ba babedi ba mathomo nkilego ka ba direla. Gomme yo mongwe wa bona o be a le segatamoroko, gomme yo mongwe o be a le bolwetši bja mafahla, o be a le godimo ga leako, taba.

10 Gomme ge ke ba bone ba etla ka mothalong, ke eme dinakwana di se kae, gomme ke rile, “Feela nakwana.” Gomme ke rile, “Tate wa Legodimong, le ke lekga la ka la mathomo, bjale, go rapelela—bakeng, ba ke ba bitšago, Maamerika a madi a go tlala.” Ke rile, “Ge—ge O ka tsoge wa nyaka ke ba direle le go ya go moloko wa bona, ge O ka ba fodiša, ke a Go tshepiša ke tla ya.” Gomme ke ba rapeletše, gomme pele ke fihla kopanong ya go latela ka California, segatamoroko se be se lahlegetšwe ke tatso yohle bakeng sa alekhoholo gomme sa ba Mokriste yo a tswetšwego gape, gomme bolwetši bja mafahla bo be bo le, nakong ya beke, bo begilwe ke nga—nga ngaka, ntle go lefeloboloto, gore o be a phelegile le go fola. Kafao ke ile morago go—go moloko wa Apache. Nka se tsoge ka e lebala.

11 Ke a holofela ga ke tšee nako ye ntši kudu bjale. Ka mehla ke tlwaetše go bolela botelele kudu. Yo mongwe le yo mongwe ka

mehla o a mpotša ke bolela botelele kudu; ke bakeng sa batho ba bašweu, e sego bakeng sa Maindia. Ee, mohlomphegi. Re . . . Ke rerile thero ye kopana letšatši le lengwe tlase ka tabarenekeleng ya ka ka gae, feela diiri tše tshela, seo ke sohle ke se rerilego. Kafao . . . Eupša rena—rena Maindia ga re ke ra itlhaganela, le a tseba. Kafao re—re ne nako ye ntši go theetša.

<sup>12</sup> Gomme kafao ge . . . Kafao, bjo . . . bošegong bjoo ba ntšeešše godimo go lefeloboloto. Gomme oo nna, ga se ka ke ka bona ba bantši kudu! Ba . . . E be e le ponagalo ye botse. Ba tlile ka dikarikana tša bona, le mogohle, ba tsebišitšwe gohle go kgabaganya lefeloboloto, gomme ba dutše fase ntle mobung. Ke be ke eme setepising se sennyane sa mathudi, kereke ye nnyane, e ka ba ka mokgwa wo. Go be go le Maindia a mantši ka gare, gomme . . . Eupša oo, nna, ba . . . bohle, seripa sa moloko, goba bontši, ba be ba dutše ntle fale. Oo, ke a e dira, dikete tše nne goba tše tlhano, se sengwe boka seo, ba kgobokane ka ntle.

<sup>13</sup> Gomme kafao, ke be ke bolela go tšwa go ditepisi tša kereke, kereke ye nnyane ya Assembly of God. Gomme moromiwa o be a diša fao nako ye nngwe. Gomme kafao, ke bile le mohlatholli yo motee, ba be ba sa kgone go kwešiša Seisimane. Gomme kafao, ke bile le mohlatholli yo motee, e bego e le mohumagadi.

<sup>14</sup> Gabotse, ke lekile ka tsela ye bonolo yeo nka kgonago go bea Beibele ntle go bona, gomme—gomme ke elelwa ba nno dula le go bogela, le a tseba. Ke bolela se ka lerato, Moindia, ge gatee a kgodišegile, ga a tsoge a šutha. Eupša ke selo se sengwe go swana le go fepa pere, ga a je ka lešakeng la go fošagala. Le a bona? O leta go fihla a le kgonthe se a bolelago ka sona, kafao ba be ba letile. Gomme kafao o be a šeditše go bona se ke bego ke eya go se bolela.

<sup>15</sup> Gomme ke tšwetšepele ke ba botša, ke rile, “Bjale, ke no ba bouto e tee, motho o tee fa, ka nageng.” Ke rile, “Ke a dumela gore go be go le mohuta tsoko wa kwano woo o bego o se wa swanela go dirwa go Moindia.” Ke rile, “Ke—ke—ke dumela gore, ge setšhaba se sengwe se tlile ka gare gomme . . . go be go tla ba maikutlo a go baba le rena.” Eupša ke rile, “Ke nna . . . Seo—seo ke se motho a se dirago.” Ke rile, “Ke ya go le botša, go na le yo Mongwe Yo a le ratago, yoo ke Jesu Kriste, gomme O tla ba thwi fao le lena go fihla bofelong bja tsela.”

<sup>16</sup> Ba dutše . . . Bjale, ba be ba le mohuta wa go se tlwaelege. Ke kgopetše mothalo wa thapelo. Gabotse, ka matšatšing ao ge la mathomo re thoma, gobaneng, ga se ra fa dikarata tša thapelo, yeo ke tsela e nnoši go boloka tshepedišo, gomme kafao, ga se ke be le dikarata tša thapelo, gomme ke rile, “A e ka ba mang, ntle fale, a nyakago go rapelelwa?” Mohlatholli o boletše selo sa go swana, ga go yo a šuthago. Gabotse, ke naganne, “Nna, ke a thanka nka se be le mothalo wa thapelo.”

17 Kafao mo dinakwaneng di se kae, moromiwa wa Moindia o ile morago, le moromiwa yo mošweu, gomme a topa batho ba bangwe go tšwa ka gare. Wa mathomo go tla ntle e be e le yo mogolo yo motona, mosadi wa go tia. Ka pela ge a . . . ke mo lebeletše ka sefahlegong. Bontši bja lena, ke a thanka Ngwanešu Eddie o le boditše ka bodiredi. O be a na le bolwetši bja leago, e sego ka baka la gore o be a hloka maitshwaro, eupša ka tsela ye a bego a swanetše go phela. Gomme ge ke mmoditše seo, o ntebeletše ka go tlabega kudu. Ke tsebile seo bjang? morago ga ge ke se hlalošitše ka Lengwalong.

18 Wa go latela e be e le mošemane yo monnyane wa mahlo a go leana. Nka—nka se tsoge ka e lebala. Gomme mme. . . Ke rile, “A o dumela bakeng sa mošemane?” Gomme mo—mo mohumagadi o naganne ke botšišitše se se bego se fošagetše ka mošemane, kafao o nno mo swara ka moriri gomme a mo gogela morago, mahlo a gagwe a mannyane a be a leane. Kafao ke topile moisa yo monnyane, le go mo fa kuku ya moti wa go hlahunwa, le a bona, o be a sa kgone go kwešiša Seisimane, se sengwe gape mohuta wa go mo homotša, go bona ke tsela efe Moya wo Mokgethwa o bego o sepela. Gomme ke mo homoditše le go mmea godimo ga letetla la ka.

19 Gomme ke rile, “Tate wa Legodimong, ge nka kgona go hwetša mogau pele ga Gago, a nke go be bjale.” Le a bona? Ke rile, “Ke a rapela O otlolle mahlo a mošemane yo monnyane, gore batho ba bone fao. . . Ga ba kwešiše se, gomme ba swanetše go kwešiša gore O a ba rata.” Gomme ga se ka feta go bolela seo, ke lebeletše ntle, pono e bile gona, mošemane yo monnyane o be a kgona go bona.

20 Ke rile, “Bjale, pele ke mo tliša go tloga magetleng a ka, ge mahlo a mošemane yo monnyane yo a se a otloga, go itekanela,” ke rile, “gona ke—ke nna mopofeta wa maaka. Eupša ge a otlogile, le tla dumela Modimo?”

Gomme ka gona mohlatholli o rile, “Ee.”

Ga se ka ke ka lebelela, ka no retologa go dikologa ka mokgwa woo, gomme ba thoma go goeela. O be a le fao, a kgona. . . mahlo a gagwe go otloga ka mo a bego a kgona go ba.

21 Kafao nako yeo, wa go latela, morago wa go latela go tla godimo e bile mosetsana yo monnyane, gomme o be a le wa yo mongwe wa, ke a thanka, yo mongwe wa balaodi ka setšhabeng, gomme o be a le sefoa le semuma. Gomme kafao, ke ba dirile go mo dira a lebelele godimo go nna feela gannyane nthatana. Ke rile, “Ee, o bobedi sefoa le semuma, gomme se se e hlotšego e bile letadi a bilego le lona e ka ba mengwaga ye mene ya go feta, gomme le mo tlogetše a le sefoa le semuma.”

Mohlatholli o e botšišitše boka... o boletše seo. Gomme mohumagadi o dumetše ka hlogo, mohumagadi yoo a bilego le yena, kgaetšedi wa Moindia, “Yeo e be e lokile.”

<sup>22</sup> Gomme ke rile, “Bjale, nka se kgone go mo fa go kwa, ke—ke no ba mohlanka, nka se kgone. Eupša ge—ge nka mo rapelela, a o a dumela Modimo o tla mo fodiša?” O e dumetše. Kafao ke tšetše mosetsana yo monnyane godimo ka matsogong a ka, gomme ke mo rapeletše, gomme ke mmeile fase. Gomme ke boditše mohlatholli, ke rile, “Bjale, o no bolela ka Seindia, polelo ya bona, po—po polelo ya Apache, se ke se bolelago ka Seisimane.”

“Go lokile.”

Gomme ke rile, “A o rata Morena Jesu?”

<sup>23</sup> Gomme o e boletše. O mo lebeletše go se tlwaelege ka kgonthe, o kgonne go kwa. Gomme ke rile, “Mmotše go bolela se ke se boletšego.” Gomme ge ke boletše seo, o retologile go dikologa, a lebelela go nna, o kgonne go kwa. Le a bona? Gomme ge a fihla morago ka mokgwa *wo*, ke ile [Ngwanešu Branham o thwantšha menwana ya gagwe—Mor.] o retologile, a lebelela, go bona moo e bego e le. Ke rile, “Bjale, mmotše go re a re, ‘Ke rata Jesu.’” Gomme o ngunangunne se sengwe. Ka kgonthe nka se tsoge ka kwa leleme.

Ke rile, “O a tseba, o tla bolela bokaonana morago ga nakwana.”

<sup>24</sup> Gomme mohumagadi, o be a hlatholla, o retologetše morago, a re, “Polelo ya gagwe e lokile kudu bjale.” O be a bolela ka leleme la gagwe mong. “O bolela gabotse kudu bjale.”

<sup>25</sup> Bjale, le bolela ka mothalo wa thapelo! Babeagae ba makgolopedi ga se ba kgona go ba swara, yeo ke phetho. Go bile mothalo wa thapelo, ga se ka ke ka bona wo mobjalo, go no swana le semenyamenya. Gomme yo mongwe le yo mongwe o be a nyaka go tseba ka mothalong wa thapelo, gomme re be re sa kgone go e emiša.

<sup>26</sup> Gomme go be go le... Go latela go tšwela ntle e be e le mohumagadi yo mogolo. Bjale, ba diila kudu, eupša ke batho ba Modimo. Gomme o be a tšofetše kudu, gomme o be a swanetše go ba wa go latela mo mothalong, a etla ka tsela *ye*, feela moisa yo moswa, bogale bjo bonnyane feela e ka ba *bogodimo bjo*, wa go agega bonatla, wa go tia ka kgonthe, o nno šwahla go kgabola, le go kitima godimo ga yo mongwe le yo mongwe gape, gomme o be a eya go ba wa go latela. Gabotse, ga se re kgone go mo dira a kwešiše.

<sup>27</sup> Kafao Ngwanešu Moore, monna o be a na le nna, o nno tšea... a swanela go mo tšea ka matsogo a gagwe, le go leka go mmošša gore go be go se maleba go yena go dira seo, mohumagadi yo o be a latela. Mafelelong ba mo dirile gore a kwešiše. Gomme

mohumagadi wa go šokiša wa kgale, ba mo tlišitše ka ntle ga kamora, gobane ba ba thomile pele, ba ba dumelela go tla pele.

<sup>28</sup> Gabotse, šo o a tla, gomme ke mo etše hloko. Bjale, go—go a šokiša ka tsela ye a . . . O be a na le diphata tše pedi tša leswielo, di ripilwe, gomme lešoba le borilwe godimo go kgabola seripa se sennyane sa pedi ka nne go dira karolo ya sefapano ya lehlotlo, ka mankeretla a phuthetšwe go le dikologa. Gomme ge a tšwela ka ntle, o be a kgona feela go bea dikota tšeo ka mokgwa *wo*, ka gona . . . Atheraithisi. Le a bona? O be a sa kgone go šuthiša maoto a gagwe ka mokgwa *woo*. Ka gona o beile dikota tše ntle, gomme o . . .

<sup>29</sup> Ke nno šišimala, ka mo dumelela go tla. Gomme o fihlile thwi godimo go nna, gomme o lebeletše godimo. Selo sa kgale sa go šokiša se be se roromela ka motlhakgaselo, se segolo bogolo, mašoša a go teba marameng a gagwe. Ge a lebeletše godimo, moriri wa gagwe wo mopududu, letlalo le phuthetšwe ka go wona, ge o lekeletše go theoga mokokotlo wa gagwe, megokgo e be e dira tsela ya yona go theoga, go kgabola wona mašoša. Ke naganne, “Mmago yo mongwe.” Ke eme fale.

<sup>30</sup> Gomme ge a ntebeletše ka mokgwa *woo*, ga se ka ke ka bolela lentšu go yena. O be a no ba mohuta wa go myemyela, o obeleditše godimo le go tšea le lengwe la mahlotlo ale, le go le bea le lehlotlo le lengwe, go a neela go nna, le go ya go sepela go tloga fao feela gabotse bjalo ka mang kapa mang. Le a bona? Le a bona? Eng? Le a bona? Ke rile, “Go diregile bjang . . . ?” Ke mmotšišitše o tlile bjang go ba le tumelo yela.

O rile, “Ge Yena a otlolla mahlo a go leana, Yena o dira maoto go otlologa.” Seo se be se lokile go lekanela go yena. Le a bona?

<sup>31</sup> Feela tumelo ye bonolo, ke sohle e se tšea go. Ge o leka go e nagantšhiša, o ka se kgone go nagantšhiša Modimo, o swanetše go dumela Modimo. Le a bona? Ga o—ga o . . . O se ke wa tšea thuto, yeo e re tloša go Modimo, bontši re tseba ka go thuto, ke bokgole bjo re yago go tloga go Modimo. Yeo ke tšhitišo ye kgolokgolo Ebangedi e bilego le yona, ke go ruta. Gona ba fihla go nagana ba tseba kudu go feta Modimo. Eupša ge o itira yo bonolo wenamong, le go no Mo dumela, ke sohle e se tšea go.

<sup>32</sup> Selo se tee gape se sennyane pele ke tswalela bopaki bja ka. Ke rapetše bošego bjohle botelele. E be e etla go bapa e ka ba iri ya boraro goba ya bone mo mosong, ga se ka kgona go ema gape, gomme ke ile ka swanela go emiša tlhatho ka morago ga tlhano goba tshela, ke be ke no bea diatla godimo ga bona. Gomme ke thoma go lemoga go tla go kgabaganya . . .

<sup>33</sup> Bjale, no—no noka e kitimela thwi tlase go kgabola lefeloboloto, gomme yeo ke Noka ya Letswai, e etla tlase go kgabola lefeloboloto, gomme e ba botebo gabotse go bapa ka mafelong. Gomme ke lemogile Maindia ba etla ka gare ba be ba

kolobile godimodimo go dikologa letheke la bona. Kafao ke rile, “Bothata ke eng?” go mohlatholli.

<sup>34</sup> Gomme o rile, “Ba naganne o be o le maaka le go thoma,” o rile, “eupša ba a tseba ke therešo bjale, gomme ba rwele baratwa ba bona. Letšibogo le e ka ba dimaele tše lesometlhano tlase fa, eupša ba sepela thwi go kgabaganya tsela *ye* le baratwa ba bona, ba ba rwaletše ka gare go kgabola bošego,” feela go ba kua bošego bjo botee.

<sup>35</sup> Go latela mo mothalong, go tleng ka gare, go tla godimo godimo ga sefala, go be go le mokgalabje. Ba be ba dirile leako go mo rwalela pele, ba tšere poto e ka ba bophara *bjo*, gomme ba be ba beile lepara go e kgabaganya ka tsela *ye*, le lepara ka tsela *ye*. Gomme ka gona ba be ba tšere mokgalabje gomme ba mo robatša godimo kua, gomme leoto le tee le lekeletše godimo ga bofelo bjo bongwe bja lepara, gomme morago matsogo a gagwe ka mokgwa *wola*. Go be go le a mabedi a magolo, a go lebega bokaone, masogana a mo rwele, a nno ema fale, gomme dipounama tša ona tše bolou, di thothomela. Go a tonya leganateng, go ba go tonya ka kgonthe ka leselaphutiana mosong ka mokgwa woo. Ba be ba roromela, ba letile, ke ba bone ba etla godimo ka mothalong.

<sup>36</sup> Ke tšwetšepete go rapelela batho, go no bea diatla godimo ga bona, ba rapela ge ba etla kgauswi. Kafao moisa yo o eme godimo fale, o be a thothomela, a swere ka mokgwa *wola*, mokgalabje. Ke rile, “O kolobile.” O rile. . . O ntebeletše, gomme ke rile. “O bolela Seisimane?”

O rile, “Gannyane.”

Ke rile, “A ga o boife, o tšea nyumonia?”

“Aowa.” O rile, “Jesu Kriste o no ntlhokomela. Ke tlišitše papa wa ka.”

“Mmm, mmm.” Ke rile, “Ke mang yola ka mafelelong a mangwe?”

“Ngwanešu wa ka.”

<sup>37</sup> Ke rile, “Mo tliše kgauswi.” O be a sa kgone go bolela Seisimane. Moisa o be a ne tsikitlano, a roromela ka mokgwa *wo*, yeo e bonagetšego go ba bolwetši bjo bogolo magareng ga bona, yeo le glaucoma. Kafao ke—ke rile, “Mohlomphegi, a o dumela go Morena Jesu Kriste?” Gomme morwa wa gagwe o boletše seo go yena, le a tseba, gomme o dumetše ka hlogo ya gagwe o dirile. Ke rile, “Go lokile. Ge o dumela bjale, feela tumelo ye bonolo, Modimo o tla go fodiša.”

<sup>38</sup> Ke beile diatla tša ka godimo ga gagwe, Ke rile, “Tate wa Legodimong, papago bona, ntle le pelaelo eupša o katane matšatši a mantši go direla bona bašemane dijo.” Ke rile, “Bjale, ba—ba a dumela, gomme ba mo rwele go kgabaganya noka yela kua, gomme—gomme go tšwa tsela ntle ka go lefeloboloto, go molaleng e bile diiri go mo tliša mo.” Ke rile, “Kgonthe, ke a

dumela gore O tla mo dira a fole. Leineng la Morena Jesu, ke a e kgopela; ke bea thapelo ya ka godimo ga aletara ya Gago le go dumela.” Gomme ke rile, “Go lokile. Bjale, mo iše gae, gomme o se belaele.”

“Ke a go leboga,” o thomile go tloga.

<sup>39</sup> Gomme ke rile, “Wa go latela.” Ba tlišitše wa go latela godimo, ka morago ga lebakana ke kwele yo mongwe (ke be ke le mathuding a) a dira lešata, gomme Maindia ohle a goelela le go goelela. Ke lebeletše tlase fale, gomme mokgalabje o bile le pota magetleng a gagwe mong, a eya ntle, a šišinyetša yo mongwe le yo mongwe. Seo se dirile. . . Seo. . . Bjale, le kgona go bona gobaneng ke rata go direla Maindia. Le a bona? Ba a dumela.

<sup>40</sup> Bjale, ke nyaka. . . Ke mo go bolela se, ngwanešu wa ka—wa ka, kgaetšedi, le go batho ba bašweu le bona, le a bona, go lena bohle. Re mo ka nageng, le ditlaemete, le go ya pele, di fetola mebala ya rena ya letlalo. Modimo, ka madi a tee, o dirile batho bohle, bohle re tšwa go Adama, ge eba re ba bašweu, ba batsotho, ba baso, ba baserolwana, ba bahubedu. E ka ba eng re lego, bohle re tšwa mohlareng o tee, Adama, motho wa pele wa Modimo, gomme kagona, re bjalo ka baeti.

<sup>41</sup> Mogohle, ke bile go dikologa lefase makga a mmalwa, gomme ga se ka tsoge ka bona gabjale, moo re kilego ra hwetša batho ba ba ratilego Modimo, eupša se ba bego ba le batho ba go makatša. Ke bile tlase moo ebile ba bego ba sa tsebe seatla sa go ja le sa ngele ke sefe. Ebile ga se ba tsoge ba tseba go apara diaparo, ba be ba hlobotšwe thosothoso, ba sa tsebe selo, ebile ba be ba sa tsebe ba hlobotše, banna, basadi, bašemane, basetsana, ga ba tsoge ba tseba selo ka yona. Eupša ema fale, gomme o ba dumelele ba amogele Kriste, gomme ba amogele Moya wo Mokgethwa ba eme fale, ba dira dilo tša go swana le di dirago. Le a bona? Gomme ntle le go botšwa, ba a e dira go le bjalo, le a bona, gore go ya go laetša gore Moya wo Mokgethwa ke tšekelele. Le a bona? Ke mogohle, O a swana, gohle go dikologa lefase.

<sup>42</sup> Kafao ge nako ye kgolo yela e etla, ge Jesu wa rena a fihla, go tla ba yo motee ka. . . ba babedi malaong, moo e lego nako ya bošego, “Ke tla tšea yo motee gomme ka tlogela yo motee,” ba babedi ka tšhemong, moo e lego seetša sa letšatši, ka lehlakoreng le lengwe la lefase, “Ke tla tšea yo motee, gomme ka tlogela yo motee.” Le a bona, e tla ba mogohle. Tsogo, Tlhatlogo ye kgolo ya Kereke e tla tla, gomme bohle re tla ya Gae mmogo. Nako yeo batšofe ba tla fetoga baswa, gomme, oo, e tla ba nako ya go makatša.

<sup>43</sup> Bjale, bagwera ba Bakriste, le go Ngwanešu Eddie, le bašomi ba badiredi banešu mo, le go lena ntle kua, ga re mo go emela kerekeleina ye e itšego. Re mo legatong la lerato la Jesu Kriste, Morwa wa Modimo. Re mo, e sego go dira maloko a kereke ye e itšego, eupša a *yona* Kereke. Gomme go ne Kereke e tee



feela morago ga tšohle, gomme yeo ke Kereke ya Morena wa rena Jesu Kriste. Gomme ga re E tšoene, “Ka Moya o tee bohle re kolobeletšwa ka Mmeleng o tee,” e lego Kereke ya Kriste, Monyalwa wa Gagwe, ke ka mokgwa wo re bago Bakriste. Gomme re a Mo rata, gomme ke a tseba yo mongwe le yo mongwe. . . ka moka ga bona ba a dira.

44 Bjale, re na le mekgatlo, dikerekemaina, tšona di lokile. Seo se kaone, eupša ge feela ba sa thale mothalo, ba re, “Ke rena Yona, gomme ga le yona.” Le a bona? Ke . . . Rena re—rena re Yona yohle, ge re kolobeleditšwa ka Mmeleng. Gomme ke rile, “Ke bile le lapa la Branham bjale lebaka la ka godimo ga mengwaga ye masomethano, gomme ga se nke ba ke ba nkgopela go tšona lapa.” Le a tseba gobaneng? Ke tswetšwe ka go lona, ke be—ke be ke le Branham ka tswalo. Gomme yeo ke tsela ye re bago Mokriste, ke ka tswalo. Ga go kgathale ke kereke efe re lego ba yona, re Bakriste ka tswalo. Gomme ka gona ka tswalo, o tliša Bophelo bja Gagwe ka go rena gomme o tšweletša Bophelo bja Gagwe ka rena. Le a bona?

45 O . . . Ge o ka kgona go tšea seela, bophelo, go tšwa go mohlare wa moapola gomme wa se bea ka go moterebe, morara wola wa terebe o tla enywa diapola, le a bona, gobane bophelo bjo bo bego. . . bo enywa diapola, hlaku e ka bophelong, gomme e tla enywa diapola godimo ga morara wa terebe. Go ya le gore ke mohuta mang wa bophelo bo lego ka gare ga yona. Le a bona? Yeo ke therešo.

46 Bjale, ge o ka kgona go tšea mohlare wa moperekisi le mohlare wa pšere, gomme wa tšea bo—bo bophelo go tšwa go mohlare wa moperekisi, wa no tšeela ntle bophelo bjohle, gomme wa bo bea godimo ka go mohlare wa pšere, nthatana ye nngwe le ye nngwe ya bophelo, ga go sa na bophelo bja mohlare wa pšere ka go wona, eupša bophelo bja mohlare wa moperekisi, o tla enywa matlakala a perekisi. Gomme o tla ba—o tla ba le matlakala a moperekisi, gomme wa enywa diperekisi, ka gore o na le bophelo bja mohlare wa moperekisi ka go wona.

47 Gomme ga go kgathale modiradibe ke yo mobe gakaakang, yo sehlogo gakaakang, ke yo mobe gakaakang, ke bontši gakaakang bja mosedumele, ge o ka no tloša bophelo bjohle bjola bja kgale bja gosedumele go yena, le a bona, wa bea Bophelo bja Kriste ka go yena, o tla ba motho wa go fapana. Yeo ke nnete. Ka kgonthe o—o tla dira, ka kgonthe o tla ba motho wa go fapana.

48 Gomme ke dumela Beibele go ba Lentšu la Modimo. Le a bona? Ke a dumela gore Le phethagetše. Gomme Le . . . gomme fao go ka se kgone go tšewa go tšwa go Lona, goba ga go selo se oketšwago go Lona.

49 Bjale, bokamorago, ke nna Moirish ka moloko, kafao kagona, batho ba gešo e be e le Katoliki. Eupša ka go ya rena ker- . . . legae la gešo ga se ba ke ba nyala ka kerekeng, go fihla . . . ba be ba se

ba selo, gomme fao ke mo ke hweditšego pitšo ya ka. Go molaleng le hweditše dipuku, le go di bala, tša, *Kanegelo ya Bophelo bja Ka*. Gomme ka gona ke bileditšwe go bodiredi bjo.

<sup>50</sup> Bjale, ge la mathomo ke eba Mokriste, goba go dumela go Kriste. . . Go tloga go mošemane yo monnyane e thomile ka nna, ge ke be ke le, pele, ge ke be ke tswalwa. Ge ke be ke tswalwa, Seetša sela, seo le se bonago seswantšhong mo, se be se lekeletše bokagodimo ga thari moo ke tswetšwego, godimodimo ka dithabeng, ebile go se le—le lebato la kota, feela lerole. Gomme ebile re be re se ne. . . ebile ba be ba se ne tafola, Papa o ripile seripa sa kutu, gomme a bea maoto godimo ga yona bakeng sa tafola. Gomme ke bile le malao a manyane a dirilwe go tšwa go meoko ya lehea. Ga ke tsebe ge eba le a tseba ke eng. . . magapi go tšwa go lebele, mooko, gomme ba dirile mosamelo le malao go tšwa go woo. Gomme ke moo ke tswetšwego, ka iri ya bohllano mosong wo mongwe. Gomme ebile ga se ba be le galase ka lefastereng, feela lebati le lennyane o le kgoromeletšago ntle, gomme—gomme morago Seetša sela se tsene; gomme go ya go laetša gore Modimo ga a swanela go ba le paleisi go tla go yona, feela legae la go kokobela, mang kapa mang yo a ka dumelago.

<sup>51</sup> Gomme bjale, ke a dumela Lentšu la Modimo le phethagetše kudu go fihla re ka se kgone go Le hlatholla ka go fošagala. Re swanetše go no Le ruta ka tsela ye Le lego, le go Le phela ka tsela ye Le rutwago. Bjale, ke—ke a dumela bjale. . . Bjale, boka moprista a mpoeditše, o rile, “Modimo o tla ahlola lefase ka kereke.” Gabotse, ge e le ka kereke, ke efe e lego kereke? Katoliki, lehlakore le tee, go na le Katoliki ya Roma e re, “Ke rena,” Katoliki ya Segerika e re, “Ke rena.” Gomme oo, nna, dikgato tša go fapana—tša go fapana tša Katoliki, ke efe ya tšona e rerešago? Le a bona?

<sup>52</sup> Ka gona o re, “Gabotse. . .” Ka gona Lutheran e re, “Ke rena kereke,” Baptist e re, “Ke rena kereke,” Methodist e re, “Ke rena kereke,” Pentecostal e re, “Ke rena kereke.” Di—di. . . Gabotse, go ne dikerekemaina tše makgolosenyane le masometshela tša go fapana, kafao ke efe e lego kereke? Go tla gakantšha kudu. Le a bona? Eupša Modimo o tla ahlola batho ka Lentšu la Gagwe, gobane leo ke Lentšu.

<sup>53</sup> Bjale, godimo ka go Puku ya Kutollo, e rile, “Mang kapa mang a ka tlošago eng kapa eng go tšwa Pukung, goba go oketša e ka ba eng go Yona, wa go swana go tla ba, karolo ya gagwe e tla tšewa go tšwa Pukung ya Bophelo.” Bjale, ke a dumela E phethagetše kudu, gore lebaka le re nago le lehu lehono, manyami, bolwetši, dirapa tše tša mabitla ntle mo, monna yo mongwe le yo mongwe a kilego a hwa, lesea le lengwe le le lengwe le lennyane le le tlaišegago, bolwetši bjo bongwe le bjo bongwe e bile ka baka la ge Efa a šitilwe go dumela gore Lentšu la Modimo le be le lekanetše, o ile a se tshepe Lentšu la Modimo, gomme seo se tlišitše lehu.

54 Modimo o file Kereke ya Gagwe, Modimo a ka se kgone go fetoga, kafao Modimo o file Kereke ya Gagwe Selo se sekaonekaone, gomme ge Modimo a ka tsoge a dira sephetho A ka se tsoge a re, “Ke be ke le phošo.” Le a bona? A le a e kwešiša? Lebelelang. Modimo. . . Mohlomongwe ke bolela godimo kudu, ke—ke a holofela ga ke dire, ke. . . Modimo a ka se tsoge a fetola sephetho sa Gagwe. Ge ke bolela e ka ba eng, goba o bolela e ka ba eng, re ne magomo, seo se ra feela motho. Gomme re re, “Ngwaga wo o latelago re ithuta go feta ka fao re tsebilego ngwaga pele.” Ke—ke. . . Le a bona, ke—ke ba setswerere, le a dira, yo mongwe le yo mongwe wa rena o a dira, eupša e sego Modimo. Yena ga a ne magomo, seo se ra gore O phethagetše le go thoma. Sephetho se sengwe le se sengwe se phethagetše, A ka se tsoge a fetola sa Gagwe.

55 Lebelelang, gore le se e kwešišetše thoko, ka serapeng sa Edene, ge motho la mathomo a dirile sebe le go amologana, o ikgaotše yenamong go tloga go Modimo, kopanelo le Modimo, bjale o lekile go itirela bodumedi yenamong, o rokile matlakala tsoko mmogo go ikhupetša yenamong. Eupša bodumedi bja gagwe bja madirwakemotho ga se bo šome, gomme Modimo o dirile sephetho sa moneelo wa madi, O bolaile diphoofolo tsoko, o tšere mekgopha gomme a ba khupetša.

56 Bjale, seo e be e le sephetho sa Modimo, ka serapeng sa Edene, go phološa motho le go kopanela le motho ka madi a tšholotšwego a sephedi sa go hloka molato, gomme ga se nke A e fetola. Re ka se tsoge ra kgona go tla lefelong, ra re, “Bohle re swanetše go ba Lutheran; bohle re swanetše go ba Katoliki; bohle re swanetše go ba *se* goba *sela*.” Eupša lefelo le letee Modimo a kopanago le motho, gomme leo ke godimo ga motheo wa Madi a tšholotšwego, Madi a Jesu Kriste, Morwa wa Gagwe. Go bile bjalo mathomong.

57 Ka Israele, motho o kopane feela. . . Modimo o kopane feela le motho ka tlase ga madi a tšholotšwego, mo matšatšing a Jobo, feela madi a tšholotšwego. Gohle go theoga go kgabola histori go bile madi a tšholotšwego, gobane yeo e bile temogo ya Modimo ya mathomo go motho, mkgwa wa go mo phološa, ka madi.

58 Le a bona, ge Modimo gatee a dira, O bileditšwe go lefelotiragalo go dira, bjale, le se lebale se, ge Modimo nako ye nngwe a bileditšwe go. . . go lefelotiragalo go dira, ka tsela ye A dirago lekga la mathomo, nako le nako ge taba yeo—yeo e bitšwa gape, goba taba efe kapa efe go swana le yona, O swanetše go dira ka tsela ya go swana A dirilego lekga la mathomo, goba O dirile phošo ge A dirile pele. Bjale, a le kwešiša go hlaka ka kgonthe? Bagwera ba ka ba Maindia ba kwešiša seo go hlaka ka kgonthe?

59 Lebelelang, ka mantšu a mangwe, ge—ge motho a dirile sebe, gomme Modimo o rile, “Ke tla—Ke tla mo phološa ka tlase ga madi a tšholotšwego,” yeo ke. . . Bjale, gomme motho wa go

latela o a tla, O swanetše go mo phološa le yena, motho wa go latela, motho wa go latela, le motho yo mongwe le yo mongwe. Gomme ka gona ge motho a babja, gomme Modimo a fodišitše motho wa mathomo godimo ga motheo wa tumelo ya gagwe ka go Modimo, yeo ke tsela ye Modimo a fodišitšego motho wa mathomo, gomme bjale motho yo mongwe le yo mongwe yoo a tlogo ka morago, Yena, ka tumelo a dumela, Modimo o swanetše go dira selo sa go swana. Ge A se a dira, O dirile phošo go motho wa pele. Bjale, le tseba se ke se rago? O be a le phošo ge A dirile pele. Le a bona? Kafao O swanetše go dira go swana nako le nako.

<sup>60</sup> Bjale, o re, “Gabotse bjale, mohlomongwe se ga se se re seo.” O se tsoge wa dumela seo. Lentšu le lengwe le le lengwe leo Modimo a le boletšego O ra Kagosafelego. Le a bona? Lentšu ke Modimo, le a bona, kafao Le ka se palelwe.

Bjale, gabotse o re, “Gabotse, ga e dire phapano e ka ba efe.” Ee, e a dira, bagwera.

<sup>61</sup> Bjale lebelelang, ge Loto a biditšwe go tšwa Sodoma, lena batho le elelwa kanegelo? Nnete. Bjale, Morongwa o rile go Loto le mosadimogatša wa gagwe, lapa la gagwe, “Le se ke la lebelela morago.” Gomme bjale, nagana ka mme yola, mosadimogatša wa Loto, bana ba gagwe ba be ba eswa, tlase kua, ka go Dikahlolo tša Modimo, ditlogolo tša gagwe di be di tue swa godimo ka go Dikahlolo tša Modimo. Gomme o nno retolla hlogo ya gagwe go lebelela morago, gomme o eme fale, efela lehono, bjalo ka pilara ya letswai. Re tseba seo. Le a bona? E dira phapano. Ge Modimo a bolela e ka ba eng, O ra feela se A se bolelago. Bjale, ke ba bakae ka moagong wo, bobedi Moindia le mošweu, bao ba dumelago gore Modimo o ra feela tlwa se A se bolelago, gore A—A ka se kgone go fetoga, O ra se A se bolelago? Go lokile.

<sup>62</sup> Bjale—bjale, pele re batamela Lentšu la Gagwe, gomme ke nyaka . . . Ke tla bolela le lena feela gannyane nthatana go Lentšu. Bjale, re ka se tsoge ra tlogela Lentšu. Re swanetše go dula . . . Ke dumela Lentšu. Modimo o kgona go dira dilo tše dintši tšeo A sego a di ngwala ka Beibeleng ya Gagwe. Eupša ge feela ke . . . Ge ke no Mmona a dira se A se ngwadilego, seo se lekanetše go nna. E no Mo dumelela . . . Feela thwi ka mokgwa woo. Ke—ke dumela seo, gona re a tseba re a rereša.

<sup>63</sup> Bjale, go baena ba ka ba go direla fa, banna ba baruti, gore . . . Ke ba lena . . . Bao ke badiša ba lena. Bjale, ka go Testamente ya Kgale, Modimo o bile le tsela ya go hwetša, goba, batho ba bile le tsela ya go hwetša ge eba molaetša o be o rereša goba aowa. Bjale, ge moprofeta a profetile, goba molori a lorile toro, ba mo tšeeše tlase tempeleng, moo sephemasefega sa Arone se bego se le gona seo se bilego le ona matlapa ohle a sefega, lesomepedi, gomme ge moprofeta yo a profetile kgahlanong le letlapa lela, goba molori a boletše toro ya gagwe, ge (Yeo e bitšwa Urim le Thummim.), gomme ge tšona dietša di se tša

panyapanya godimo ga Urim le Thummim yela, gona, ga go kgathale e kwagala kgonthe gakaakang, e be e fošagetše. Urim le Thummim e ile ya swanela go bolela ge eba e be e nepile goba phošo. Le tseba seo, baena. Yeo ke nnete. Gabotse bjale, yeo e be e le bakeng sa boprsta bja Balefi. Bjale, se Modimo a se dirilego fale. . . Bjale, ga A tsoge a fetoga, elelwang, A ka se kgone go fetoga, O swanetše go dula.

64 Jesu, ge A etla, O rile, “Le ba kwele ba bogologolo, ‘O se ke wa bolaya,’ eupša Ke bolela gore mang le mang a befelelago ngwanabo ntle le lebaka o šetše a bolaile.” A yeo ke nnete? Bjale, le a bona, ga se nke A—ga se nke A e fetola, O nno e godiša, o e dirile ye megolwane. Le a bona?

65 O rile, “Le ba kwele ba nako ya kgale, ‘O se ke wa dira bootswa,’” o be a swanetše go ba ka tironng go ba le molato, O rile, “eupša Ke re go lena, gore mang le mang a lebelelago mosadi go mo kganyoga o šetše a dirile bootswa le yena ka pelong ya gagwe.” Le a bona? O e tlišitše go tšwa go tiro ya kgonthe go ya go kganyogo bakeng sa tiro, le a bona, o e dirile ye kgolwane.

66 Bjale, ge Urim le Thummim, go tšwa go sephemasefega sa Arone, e fetotšwe, e tlišitšwe go Lentšu, “Magodimo le lefase di tla feta, eupša Lentšu la Ka le ka se fete.” Le a bona? Gona e swanetše go ba go ya ka Lentšu.

67 Bjale, a re inamišeng dihlogo tša rena, feela nakwana, bakeng sa thapelo, gomme re ya go—go Mmatamela. Bjale, feela ka go letšatšipele ga kopano ye ya mašego a mararo le lena batho ba go ratega, ke a makala magareng ga lena, bošegong bjo, a go ne kgopelo yeo o ka ratago go gopolwa pele ga Modimo, o bolela ka mokgwa wo, “Modimo, O tseba pelo ya ka, ke na le se sengwe ke se hlokago, ke ya go phagamišetša seatla sa ka godimo. Gomme, Modimo, pele kopano ye e fela, kopano ye ya mašego a mararo, mphe phodišo bakeng sa mmele wa ka, goba bakeng sa kgaetšedi wa ka, bakeng sa ngwanešu wa ka, bakeng sa—bakeng sa mme wa ka, tate, goba bakeng sa phološo,” goba e ka ba eng o e hlokago.

68 Ge o na le tlhoko ye bjalo, a o ka no phagamišetša seatla sa gago godimo go Modimo? E no e dira e tsebje, ge o phagamiša seatla sa gago, e re, “Modimo, nkgopole.” Go lokile. Bjale, a re rapeleng.

69 Tate wa rena wa Legodimong, re batamela Terone ya Gago ya mogau, re ka se tle ka Terone ya Kahlolo, Terone ya toka, re be re sa kgone go ema kua, ka gore ka toka re be re se ra swanela go ba le tokelo ya go tla, ka gore re be re le badiradibe. Eupša re tlile ka Terone ya mogau, ye O re boditšego gore re na le ditokelo tša go tla.

70 Gomme bjale, Tate wa Legodimong, O tseba se. . . se se lego ka morago ga diatla tše tšeo di emetšego godimo. Tlase ka fase kua go be go le pelo, gomme ka pelong yeo go be go le kgopelo.

Modimo, efa gore pele mašego a mararo a a tla feta, gore yo mongwe le yo mongwe wa bona o tla arabja. E fe, Morena. Phološa balahlegi, fodiša balwetši, Morena.

<sup>71</sup> Bjale, re a tseba gore O gobaditšwe bakeng sa dikarogo tša rena, ka megogoma ya Gago re fodišitšwe. Bjale, re a lemoga, Tate wa Magodimong, gore ge O hwetše dibe tša rena, gona sebe se sengwe le se sengwe ka lefaseng se lebaletšwe, eupša e ka se tsoge ya re thuša, go fihla re Mo amogela bjalo ka Mophološi wa rena go tšwa sebeng sela. Eupša potšišo ya sebe e rarolotšwe ge Jesu Kriste, Morwa wa Modimo, a hwile go tloša sebe sa lefase.

<sup>72</sup> Gomme re a rutwa gore ka megogoma ya Gagwe re fodišitšwe. Bjale, re a tseba gore phodišo e šetše e feditšwe ka sefahlegong sa Modimo, gobane Morwa wa Gagwe Mong o ntšhitšwe megogoma bakeng sa phodišo ya rena, “Ka megogoma ya Gagwe re fodišitšwe.” Gomme re a tseba gore re ka amogela phodišo ge re e dumela, feela boka re amogela phološo.

<sup>73</sup> Bjale, Tate, a O ka tla magareng ga rena gomme wa re dira re tsebe gore O tsogile go tšwa bahung, gore O a phela lehono, gomme o . . . O, sa dutše o le Jesu wa go swana wa go rata, le gore nako e batamela kgauswi . . . ? [Lefelo la go se be le selo godimo ga theipi—Mor.] . . . go lebelela godimo ga lefase go diponagalo tše tšeo di tlogo, O rile yeo e be e le nako go phagamiša hlogo, ka gore topollo ya rena e batamela kgauswi.

<sup>74</sup> Moprofeta o re boditše go tla ba le letšatši leo le ka se bitšwego bošego goba mosegare, e tla ba letšatši la leutu, kgudi ye ntši, eupša nakong ya mantšiboa go tla ba Seetša. Gomme letšatši la go swana le le hlabago ka bohlabela ke lona la go swana le le dikelago ka bodikela, l-e-t-š-a-t-š-i la go swana le le kgabaganyago lefaufaung. Gomme M-o-r-w-a wa Modimo wa go swana yo a tlilego ka bohlabela gomme a tšhollela Moya wo Mokgethwa ka go matšatši a a mafelelo, ka nako ya mantšiboa, godimo mo ka Lebopong la Bodikela, o gogetše morago kgudi le go tšhollela Moya wo Mokgethwa go fa Seetša sa mantšiboa, feela bjalo ka ge A tshepišitše. Re a Go leboga bakeng sa yona, Tate.

<sup>75</sup> Bjale, ke godimo fa magareng ga badiiledi ba . . . batho ba bohlokwa ba bao ba dulago fa, ba lebeletše go Tla ga Morena. Bjale, re a rapela gore O tla ikgodiša Wenamong pele ga rena, ka tsela ye e lego gore re tla tseba gore O mo.

<sup>76</sup> Gomme ge re tloga, bošegong bjo, go ya magaeng a rena a go fapana, a nke re bohole bjalo ka bale, ba bego ba etšwa Emause, letšatši lela ka morago ga tsogo . . . O sepetše le bona letšatši lohle, gomme ga se ba Go tseba. Gomme ge O ba tlišitše nakong ya mantšiboa, le go ba tšeela ka gare le go tswalela mabati, nako yeo O dirile se sengwe ka tsela ye O se dirilego pele O bapolwa, gomme ba tsebile ga go yo a ka kgonago go e dira boka Wena, gomme yoo e be e le Wena. Kafao ba kitimetše godimo, le go re,

“Ka therešo, Morena o tsogile. A dipelo tša rena ga se tša swa ka gare ga rena, ge A be a bolela le rena tseleng?” E fe, Morena, bošegong bjo, ge re eya magaeng a rena.

A nke re bone Morena Jesu yo a tsogilego, thwi fa ka moagong wo, a fodiša balwetši, le go bontšha kgaogelo go bohle. Re kgotela ka go la Jesu Leina. Amene.

<sup>77</sup> Bjale, godimo ka go Beibele ya kgale ya go šegofala, gomme feela bakeng sa sehlogo. . . Gomme bjale, ke nyaka le theetše sekgauswi ka kgonthe bjale, gomme ke tla no tšea nako ya ka le go leka go hlaloša ye bokaonekaone bjo ke kgonago. Bjale, ge le ka swara se kgauswi ka kgonthe. . .

<sup>78</sup> Bjale, bagwera bohle ba ka ba Maindia ba tseba Seisimane. A yeo ke nnete? Bohle ba kgona go bolela Seisimane? Gabotse. Yo mongwe le yo mongwe ka mo o bolela Seisimane, Manorwegian, le eng go fetiša? Le a bona, ke nyaka le. . . Ka kgonthe, ke be ke eya go bolela ge ba se ba dira, ke tla ba le yo mongwe go tla le go hlatholla, gobane ga ke nyake le foše se.

<sup>79</sup> Bjale, le batheeletši ba bakaone kudu, nka no kgona go ema le go bolela lebaka la diiri, gomme—gomme ke—ke a le rata gobane ke a tseba le rata Morena wa rena.

<sup>80</sup> Bjale, ke nyaka go bala mafelo a mabedi go tšwa go Lengwalo. Gomme le lengwe la ona le hwetšwa ka go Mokgethwa Johane 12:20, tema ya 12 gomme temana ya 20, le lengwe ke kgwekgwe ya lesolo la rena, Bahebere 13:8.

<sup>81</sup> Bjale, wo e no ba molaetša wo monnyane wo fomale woo ka mehla re tsebišago tirelo, gomme morago re tla rapelela balwetši. Gomme ka gona gosasa, mohlomongwe, le tla kwešiša bokaonana. Elelwang etlang kerekeng ka pela.

<sup>82</sup> Gomme bjale, go tla ba le mošemane fa, morwa wa ka, goba Ngwanešu Eddie, goba Ngwanešu Roy, goba ba bangwe ba bona, yo mongwe o tla ba fa le dikarata tša thapelo. Gomme ba tliša dikarata tše tša thapelo godimo pele ga lena, go di hlakanya tšohle mmogo, le go ya tlase le go fa yo mongwe le yo mongwe karata ya thapelo, gore mošemane yo a di hlakanyago, a ka se be le selo go dira le karata ya thapelo ye e filwego.

<sup>83</sup> Ka gona ge ke etla kopanong, ga re tsoge ra tseba feela mo mothalo wa thapelo o tla thomago. Re ka no thoma ka masometlhano, re ka no thoma ka masomepedi, re ka no thoma ka lesome, re ka no thoma ka tee, re ka no thoma ka lekgolo le go boa morago, feela ka tsela e ka ba efe. Mang kapa mang a kilego a tsenela dikopano (lena baena, ke a thanka le dirile), le a tseba gore yeo ke therešo. Kafao kagona gona ga wa swanela go ba le karata ya thapelo, ge o no ba le tumelo. Ka mehla go ne e ka ba lesome ka go batheeletši ba fodile moo yo motee a fodišitšwego sefaleng. O no ba le tumelo le go dumela.

<sup>84</sup> Bjale, Mokgethwa Johane, tema ya 12, temana ya 20:

*Gomme go be go le Bagerika ba ba itšego magareng ga bona ba ba tlilego godimo go rapela monyanyeng:*

*Ba go swana kagona ba tlile go Filipi, yo a bego a le wa Betsaida . . . , gomme ba mo kganyoga, ba re, Mohlomphegi, re rata go bona Jesu.*

Bjale, ka go Bahebere 13:8, e rile:

*Jesu Kriste wa go swana maabane, . . . lehono, le go ya go ile.*

<sup>85</sup> Bjale, ke ya go dira sehlogo go tšwa go seo le go bolela se: *Mohlomphegi, Re Rata Go Bona Jesu*. Bjale, ke ba bakae ba ka ratago go Mmona? A re boneng diatla tša lena. Feela ke ba bakae bjale? Ke a go leboga bakeng sa kgahlego ya gago ya go bona Morena wa rena.

<sup>86</sup> Bjale, bjalo ka ge ke le boditše, ke a dumela Beibele ke Lentšu la Modimo, gomme Le swanetše go no ba tlwa se Modimo a se bolelago, gomme O swanetše go boloka tshepišo ye nngwe le ye nngwe, goba ga se Lentšu la Modimo. Le a bona, ge e . . . ge yeo . . . Ge A sa boloke tshepišo ya Gagwe, gona ga se Lentšu la Modimo. Modimo o be a ka se kgone go ba Modimo, a dira tshepišo gomme ka gona a se e boloke. Le a bona? Aowa, aowa. Yoo e be e tla ba motho. Yeo e tla ba puku ya madirwakemotho. Eupša Puku ya Modimo ke Lentšu la Modimo.

<sup>87</sup> Bjale, bjale, Bagerika ba ba kwele ka Jesu, eupša ga se ba ke ba tsoge ba bona Jesu. Gomme ba tlile go yo mongwe wa barutiwa ba Jesu, yo leina e bego e le Filipi, wa Betsaida ka Galelia, gomme o rile, “Mohlomphegi, re rata go bona Jesu.” Bjale, o be a le mohlanka wa Jesu, kafa o mo išitše pele ga Jesu, gomme o mmontšhitše Jesu.

<sup>88</sup> Bjale, Beibele e boletše mo, Paulo o ngwadile ka go Bahebere 13:8, gore Jesu Kriste o a swana maabane, lehono, le go ya go ile. A bohle le dumela seo? Go lokile.

<sup>89</sup> Bjale, ge Bagerika bale ba be ba nyaka go bona Jesu, gomme o nyaka go bona Jesu, gomme yo mongwe wa bahlanka ba Modimo o tšere le go ba bontšha Jesu, gomme ge A swana maabane, lehono, le go ya go ile, gobaneng mohlanka wa Modimo a sa kgone go Mo laetša go lena lehono ge A swana?

“Gabotse,” o re, “eupša O hwile.”

<sup>90</sup> Ee, eupša O tsogile gape. Le a bona? Ga se A hwa. O a phela. Le a bona? Ga se A hwa, O a phela. Bjale, mmele wa Gagwe wa nama, yeo ke nama, o tšeetšwe godimo pele ga Modimo, o dutše godimo ga Terone ya Modimo. Gomme Moya wo Mokgethwa o tlile morago fase, e bego e le Moya wa Kriste, le go phela ka Kerekeng. A le dumela seo, a ga le? Bjale, ge re ka botšiša potšišo ye, “Mohlomphegi, re rata go bona Jesu?” gomme bjale ge Jesu, mo . . .



<sup>91</sup> Nna, ka go ba moromiwa, ke sepela mogohle go dikologa lefase. Gomme ke be ke no ba ka Bombay, India, fa e sego kgale kudu, moo ke thabišitšwego ka tempeleng ya Majain, bodumedi bja Majain. Gomme go be go le mabodumedi a lesomešupa a go fapana a emetšwe ka tempeleng yela, morago ga sekgalela sela, go bolela le nna, gomme yo mongwe le yo mongwe wa bona o be a le kgahlanong le Bokriste.

<sup>92</sup> Bjale, naganang ka yona, ba rapela medingwana ya maitirelo, diphoofolo, gomme ba bangwe ba bona ba dumela go go tsenammelenggape, ke gore, o hwa selo se tee, gomme wa boa morago se sengwe. E be e le tlhakahlakano ya go šiiša kudukudu o kilego wa e bona, eupša ge Morena wa rena Jesu a etla lefelongtiragalo, seo se e dirile. Ke tšere sehlogo se sa go swana pele ga dikete tše makgolotlhano bošegong bjoo, seo ke seripa sa milione wa batho ba dutše ka gare ga setetiamo se segolo, lepatlelodipontšho, boka, gomme ke tšere sehlogo sela sa go swana, moo Bomohammedan, le Mabuddha, Masikh, Jain, oo nna, mohuta wo mongwe le wo mongwe wa go fapana o ka kgonago go o nagana, gomme Boraja ba dutše godimo ga mesamelo ya siliki. Meyara wa Durban o be a le fao, gomme—gomme mošemane wa Mahatma Gandhi o be a le fao, gomme—gomme, oo, bontši kudu.

<sup>93</sup> Gomme fao, ge Moya wo Mokgethwa o thoma go utolla go batho . . . Gomme ka gona, gwa tla monna . . . Gomme ba gopola gore e be e le go bala monagano. Morago go tšile monna wa sefofu sefaleng, ka karata ya gagwe ya thapelo, motho wa bone. Gomme ke bone pono gore o be a eya go fola, gomme ke hlohlile bodumedi bjo bongwe le bjo bongwe mo mobung go tla, go mo fa go bona ga gagwe.

<sup>94</sup> Ke rile, “Ge ye e le go bala monagano, o tla go mo fa go bona ga gagwe.” Ke rile, “Gona gobaneng o sa tle? Moprista wa Mohammedan, gobaneng o sa tle?” Ke rile, “O nagana . . . Nka se be selo . . . Nka se bolele seo bakeng sa e ka ba eng, ke tla boifa go e bolela, eupša ke nno bona pono gore o ne pono ya gagwe. Bjale, ge a sa dire, gona ke nna moprofeta wa maaka, ge a dira, ke ba bakae ba tla amogelago Kriste bjalo ka Mopholoji?” E no ba mawatlegolo a diatla!

<sup>95</sup> Ke rile, “E tla mo, mohlomphegi.” Gomme E mmoditše o be a . . . bile sefofu mengwaga ye *mentši bjalo*, gomme o be a le mokgopedi, le go ya pele, le tšohle ka ga ke bana ba bakae a bilego le bona, gomme kafao seo se be se lokile, eupša ba be ba sa dumela e be e le go bala monagano, boka go bala monagano. Le a bona?

<sup>96</sup> Gomme kafao, ke rile, “Bjale, go bala monagano, e . . . ga ke tsebe selo ka saekolotši.” Ke rile . . . Gomme mang kapa mang yo a tsebago saekolotši a ka se tsoge a bitša yeo saekolotši. Kafao gona ba . . . Ke rile, “Bjale, ge go le bjalo, lena diprofesa tša

saekolotši etlang mo gomme le mo fe go bona ga gagwe.” E be e le sehlopha se maatla sa setu.

<sup>97</sup> Ke rile—ke rile, “Lena Bomohammedan le mabodumedi a go ata a lefase.” Yeo ke nnete. Go na le Bomohammedan ba bantši go feta e ka ba bofe. Gomme ke rile, “Gobaneng baprista ba lena ba sa tle godimo fa gona le go mo fa go bona ga gagwe?” Ke rile, “Go reng ka lena Mabuddha?” Buddha o phetše e ka ba mengwaga ye makgolo a masomepedi tharo ya go feta, wa Mochina rafilo- . . . , goba, rafilosofi wa Mojapane. Ke rile, “Bjale, gobaneng o sa tle le go mo fa go bona ga gagwe?” Ke rile, “Ke be ke le ka tempeleng ya Majain morago ga sekgalela se. Fao go—go,” go swana le mopapa, “monna wa godimodimo wa bona, o a tla, wa mo fa pono ya gagwe, ke tla tšoenā bodumedi bja gago.” Ga go yo a boletšego selo.

<sup>98</sup> Ke rile, “Bothata ke eng ka lena?” Le a bona? Ke rile, “Bjale, ge ye e le go bala monagano, gona o a tla, le bomakgone go yona, ga ke, etlang, mo fe go bona ga gagwe.” Le a bona? Ke rile, “Ge Mohammed e le . . . Yo mongwe o swanetše go rereša, gomme yo mongwe o swanetše go ba phošo, re ka se be go rereša bohle.” Yeo ke therešo.

<sup>99</sup> Ke rile, “A nke Modimo yo e lego Modimo wa tlhōlo a mo hlōlele pono, gona re tla tseba ge eba ke nnete goba aowa.” Gomme ke rile, “Nka se bolele seo ge nkabe ke se ka bona o be a eya go amogela go bona ga gagwe.” Eupša ke rile, “O a ya, gomme ge a sa dire, gona le nthake ka India, ke nna moprofeta wa maaka, ge a dira, le a Mo amogela.”

<sup>100</sup> Ke laeditše go yena go tla kua. Go no swana le ge ke rapetše, o goleditše, o be a kgona go bona gabotse ka mo ke bego ke kgona, go swana le mang kapa mang. Nnete. Gomme ka gona, ba ile ba swanela go . . . Ebile ga se ke kgone go tšwela ka ntle ga moago, le dilo boka tšeo. Ba ile ba swanela go . . . Ebile ba bile le masole a sešole fale, oo, ke a thanka makgolo a lesometlhano, mašole a makgalo a lesometshela pele nka tsoge ka fihla koloing, diiri tše pedi moragwana. Gomme . . .

<sup>101</sup> Eupša ke eng, bagwera? Modimo, ge A kile a ba Modimo, O sa le Modimo. Gomme ge A se Modimo wa go swana, gona go ne se sengwe sa phošo, A ka be a se Modimo le go thoma. Kafao. . . . Le a bona? Kafao O—O—O swanetše go dula a swana.

Bjale, bjale, ge re ka re, “Mohlomphegi, re rata go bona Jesu. . . .” Bjale, ge nka re go Malutheran fa bošegong bjo, “Le nagana eng ka yona?”

<sup>102</sup> “Oo, nnete, ke a dumela O a swana.” Baptist, Presbyterian, Mapentecostal, Katoliki, e ka ba eng gape, yohle e tla ba, “Ee, O ka kerekeng ya rena, gomme . . . re Mo hweditše. Re . . . Yo ke wa rena. Yena—Yena ke Modimo wa rena. O—O na le rena.”

<sup>103</sup> Gabotse bjale, ke dumela seo le nna, ke ya go dumela seo le lena. Eupša bjale, motsotso feela, go na le tsela e tee feela go dira

selo seo gabotse, go ne tsela e tee feela go tseba ka go nepagala, ke go hwetša se A bego a le sona maabane. Le a bona? E ka ba eng A bilego maabane, O swanetše go swana lehono. A yeo ke nnete? Le a bona, ga se ge eba. . .

<sup>104</sup> Bjale, re ka se ye tlase toropong go hwetša monna, ra lebelela tikologong. . . Re tla re, “Jesu Kriste o na le rena.” Re be re ka se ye tlase toropong go hwetša monna a aperego kobo, le mabadi a dipikiri go kgabaganya hlogo ya gagwe, goba, mabadi a meetlwa, le mabadi a dipikiri seatleng sa gagwe, moikaketši e ka ba mang a ka kgona go dira seo. Le a bona, le a bona? Go tšea Bophelo ka go yena go e dira, le a bona, Bophelo bja Gagwe, Bophelo bja Motho.

<sup>105</sup> Jesu o boletše mo ka go Mokgethwa Johane, “Yo a dumelago go Nna, mo,” Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Gobane Bophelo bja Gagwe. . . Ge re be re le, mohlare modiradibe gomme re bile le Mohlare Kriste o beilwe ka go rena, gona Bophelo bjola bo tla enywa dikenywa, feela tlwa boka mohlare wa moperekisi go mohlare wa pšere, goba go ya pele, mohlare wa moapola, go e ka ba eng o bilego. A yeo ke nnete? Le a bona, o tla swanela go bona se A bego a le sona maabane.

<sup>106</sup> Bjale, Paulo a bolela mo o be a bolela ka maabane, go ra Testamente ya Kgale. Se A bilego maabane ke Yena lehono, gomme o tla ba go ya go ile. Yeo ke Testamente ya Kgale, Testamente ye Mpsha, le go ya go ile, go swana maabane, lehono, le go ya go ile. Le a bona?

<sup>107</sup> Bjale, O be a le eng maabane? Bjale, ge A be a le—ge A be a le yo mogolo, monna wa mohumi maabane, O be a tla ba yo mogolo, monna wa mohumi lehono. Eupša ge A tlile maabane, re hwetša gore ebile ga se A be le lefelo go latša hlogo ya Gagwe. Yeo ke nnete. “Dinonyana tša sebakabakeng di ne dihloga, diphukubje di ne melete; eupša ebile ga Ke ne lefelo go latša hlogo ya Ka.”

<sup>108</sup> O—O bile. . . Ge A etla lefaseng, O adimilwe popelo go tswalelwa ka go yona, ba be ba se ne thari go Mmea ka go yona, kafao ba Mmeile ka lepokising la mahlaka. Ge A ehwa, O ile a kokotelwa go mohlare wa Roma ka tlase ga kotlo ya lehu. O bile le kobo e tee go e apara, e be e diretšwe Yena, “e logilwe ntle le moroko.” O ile a swanela go adingwa lebitla go bolokwa ka go lona. Kafao ga go le o tee wa rena a hlakilego bjalo.

<sup>109</sup> O tlile go laetša se Modimo a bego a le sona. Eng kapa eng ye e lego godimo gomme e sego Modimo. Modimo o fase le go kokobela, seo ke se se Mo dirilego Modimo. Le a bona, se sengwe se se tlogo fase, e sego bona ba ba yago godimo. Kafao Modimo ga a dule ka go ditlhatlamanotulo, le dilo, O dula ka boikokobetšong. Tsela ya go ya godimo ke fase. “Ikokobetše wenamong gomme o tla godišwa; iphagamiše wenamong gomme o tla kokobela.” Yeo ke nnete. Le a bona? Modimo o tseba

mokgwa wa go e dira. Kafao o swanetše go elelwa, ikokobetše wenamong pele ga Modimo. O se ke wa leka go nagana dikgopolo tša gago mong, nagana dikgopolo tša Gagwe. Le a bona?

<sup>110</sup> Gomme tlhamo ka moka ya Bokriste, bjale, ga e bonwe. Mokriste o lebelela se a sa se bonego, sa tlhago. Bjale lebelelang, yeo ke tsela e nnoši o ka kgonago go ba Mokriste. O swanetše go dumela Modimo, Yo o sa kgonego go mmona. Le a bona, bjale lebelelang. Šetšang fa. Tlhamo ka moka ya Bokriste ke lerato, thabo, tumelo, pelofalo, kgotlelelo, boleta, bonolo, Moya wo Mokgethwa. Le a bona? Dilo tšela tšohle ga di bonwe, ga di bonwe. Eupša dilo tše di sa bonwego ke tšona tše di nago le kgonthe, dilo tša go se bonwe.

<sup>111</sup> Bjale, re tla tšea Jesu. Bohle re tseba tswalo ya Gagwe, ka fao A boleletšwego pele go tšwa serapeng sa Edene, “Peu ya mosadi e swanetše go tlapiriganya hlogo ya sephente, gomme o tla tlapiriganya serethe,” le go ya pele.

<sup>112</sup> Bjale, eupša ge A tlile, O tswaletšwe legopong, gomme O godišitšwe ka lapeng la go kokobela, gomme ka gona a ya go phela le batho ba bangwe, Mareta, Maria, le Latsaro. Gomme ka mengwaga ye masometharo bogolo, Johane Mokolobetši o Mo kolobeditše ka nokeng ya Jorodane, gomme Modimo o tlile fase, ka sebopego sa Moya wo Mokgethwa. . . ka go Moya wo Mokgethwa ka sebopego sa leeba, gomme o ile ka go Yena, le go dula ka go Yena.

<sup>113</sup> Bjale elelwang, “Modimo o be a le ka go Kriste, a boelanya lefase go Yenamong.” A yeo ke nnete? Go lokile. “E sego Nna,” go boletše Jesu, “a dirago mediro, eupša Tate wa Ka yo a dulago ka go Nna, O dira mediro.” Bjale, ge le ngwala Mangwalo, Mokgethwa Johane 5:19, Jesu o rile, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira, seo Morwa o se dira go swana.” Bjale, elelwang, e sego se A *kwago* Tate a se bolela, eupša se A *bonago* Tate a se dira.

<sup>114</sup> Kagona, Jesu ga se nke a dira selo go fihlela Modimo a Mmontšhitše, ka pono, a dire eng pele. Ge A se a dira, Lengwalo le fošagetše. Mokgethwa Johane 5:19 e rile, “Ruri, Ke re go lena,” seo se ra ka phethagalo, “Ke re go lena, Morwa ga a kgone go dira selo ka go Yenamong, eupša se A bonago Tate a se dira, seo Morwa o se dira go swana. Ka gore Tate o a šoma, gomme Ke a šoma go fihla mo.” Ka mantšu a mangwe, O nno diragatša ka tiragatšong se Modimo Tate, a Mmontšhitšego go se dira, gobane Modimo o be a le ka go Kriste.

<sup>115</sup> Bjale, Mateo 3, E rile, “Yo ke Morwa moratwa wa Ka,” ge A be a etla fase, Segalontšu se bolela go tšwa go Leo, Modimo, yo a bego a etla fase, bjalo ka leeba, Johane o beile bohlatse go Le bona, Gomme Segalontšu se tšwa go Lona, se re, “Yo ke Morwa moratwa wa Ka, Yoo, Ke kgahlwago ke go dula *ka*

go Yena.” Gomme ge ke be ke eya go e dira gore le e kwešiše bokaonana, gore bafetoleledi ba pele ka go King James. . . Ge o hwetša Segerika sa setlogo, se balega ka mokgwa wo: “Yo ke Morwa moratwa wa Ka, Yo ka go yena Ke kgahlwago ke go dula.” Eupša le a bona, ke selo sa go swana. “Yo Ke kgahlwago ke go dula ka go yena.” Le a bona? “Ke kgahlwa ke go dula ka go Morwa wa Ka.” Ka gona O bile Imanuele, Modimo o na le rena.

116 Bjale, bjale, bjale, Mokgethwa Johane, ke badile go tšwa go lena, Mokgethwa Johane 12:20. Bjale, a re yeng morago go Mokgethwa Johane, gomme re thome, gomme re no dula ka go Mokgethwa Johane, bošegong bjo, go bontšha se Mangwalo a lego ka go Mokgethwa Johane ka ga Gagwe. Bjale, re tla bona ge re ka kgona go hwetša se A bego a le sona, bošegong bjo, gosasa bošego re tla ya go teba gannyane ka go yona, gomme bošego bja go latela, go no tšwelapele go eya.

117 Hlokomelang bjale. Mokgethwa Johane, a re. . . Re bala tema ya 12, a re yeng morago gomme re bale tema ya 1 bjale, o rile bjale, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Bjale, a le kgona go e hwetša? “Mathomong go be go le Lentšu.”

118 Bjale, *lentšu* ke eng? *Lentšu* ke “mogopolo o hlagišitšwe.” O swanetše go le nagana pele o le bolela. Le a bona? Gomme, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme ge Lentšu le kile la ba Modimo, E sa le Modimo. Le a e bona? “Gomme Lentšu la dirwa nama gomme la dula magareng ga rena.” Mokgethwa Johane tema ya 1, “Lentšu le dirilwe nama, gomme la dula magareng. . .” Lentšu la Modimo le dirilwe nama magareng ga rena ka go Kriste Jesu. Le dumela seo? O be a le Lentšu la Modimo le dirilwe nama.

119 Bjale, gomme Jesu o rile, ka go Mokgethwa Johane tema ya 1, gape ka go tema ya 10 gomme temana ya 37, O rile, “Ge Ke sa dire mediro ya Tate wa Ka, gona le se Ntumele.” Ka mantšu a mangwe, se Tate a se hlagišitšego gore O be a le, ge A se a dira seo, gona le se Mo dumele; seo e no ba go kwagala. Le a bona?

120 Gomme ka go Mokgethwa Johane 5:39, e rile, “Puruputšang Mangwalo; ka gore ka go Wona le nagana le na le Bophelo bjo Bosafelego, gomme Ke Wona a pakago ka nna.” Ka mantšu a mangwe, O be a le Lentšu le le phelago, O be a le Lentšu la Modimo le dirilwe go bonagala. Oo, ke rata bjang go—go tšena ka go seo: Lentšu la Modimo le dirilwe go bonagala, ka mantšu a mangwe, le dirilwe go tsebja, Lentšu la Modimo le dirilwe go tsebja. Ka mantšu a mangwe, O be a le Yena yoo Modimo a phetšego ka go yena go dira Lentšu la Gagwe go tsebja.

121 Kriste o hlagišitše se Lentšu le se rutilego. Amene. Ke lena bao. Kriste e be e le Tlhagišo ya Lentšu le le ngwadilwego; Kriste o Le hlagišitše. Ga go makatše O rile go Bafarisei bale, baetapele

ba bodumedi ba letšatši la Gagwe, O rile, “Lena baikaketši,” o rile, “ge letšatši le dikela le hlakile, le re go ya go ba gabotse gosasa. Ge go hubetše le go lepelela, le re go tla ba boso bjo bobe.” O rile, “Le kgona go hlatha sefahlego sa mafaufau; eupša leswao la nako ga le kgone go le hlatha. Ka gore ge nkabe le Ntsebile, nkabe le tsebile letšatši la Ka.” Le a bona?

<sup>122</sup> Ba bile le bodumedi, oo, nna, bontši bja bjona. Eupša ba šitilwe go Mmona bjalo ka Mesia, gobane . . . Bjale, le a tseba ga se A tla ka tsela ya go fošagala; O tlile tlwa ka tsela ye Lentšu le e boleletšegopele, eupša e sego go ya ka se ba bego ba se nagana, ba bile le yona ka tsela ye nngwe. Eupša O tlile tlwa ka tsela ye Beibele e boleletšegopele gore O tla tla, feela, ba bile le Beibele e hlatholletšwe thoko.

<sup>123</sup> Ke a makala ge eba go ka ba bjalo gape. Ga go pelaelo eupša se go—go nago le ditlhathollo tše dintši kudu tša go fapana go Lona. Kafao le kgona go bona, go swanetše go ba se sengwe sa phošo felotsoko. Ba bangwe ba bona ba re, “Ga go selo se sebjalo bjalo ka phodišo Kgethwa,” yo mongwe o re, “Matšatši a mehlolo a fetile. Moya wo Mokgethwa o wele feela go baapostola ba lesomepedi,” gomme—gomme ba bangwe ba bolela selo se tee, go swanetše go ba se sengwe sa go rereša le se sengwe sa phošo felotsoko. Yeo ke nnete.

<sup>124</sup> Gomme elelwang, pele o ka kgona go ba . . . Ge o na le tolara ya bofora, yeo ke tolara ya bofora, pele tolara yeo ya bofora e ka dirwa, go swanetše go ba le tolara ya kgonthe e dirilwego go tšwa go yona, ge e se ya dira, ke ya setlogo. [Lefelo la go se be le selo godimo ga thepi—Mor.] . . . go swanetše go ba bodumedi bja kgonthe bjoo bo dirilwego go tšwa go bjona. Nnete tlwa. Bjo bongwe le bjo bongwe bja ona bo thomile ka Pentecost, eupša a nno ya ditsela tša go fapana gomme a tloga go Lentšu.

<sup>125</sup> Gomme leo ke lebaka . . . Lehono, re ka letela bjang Modimo go tsoge a dira, le go tliša kereke morago go Boitemogelo bja Pentecostal, ge re gana yona ntlha gore O a e dira?

<sup>126</sup> Bjalo ka ge ke be ke fela ke bolela, “Ke . . . Ke botse bofe e tla bo dirago go fepa nonyana ya thaga vitamine C ye botse, go dira tše kgolo, tša go tia diphego le mafafa a mabotse, gomme morago wa mmoloka ka serobeng?” Go ka se dire botse, a go ka dira? Ka kgonthe aowa. Ge o eya go mo fepa ka divitamine, le go dira diphego tša gagwe go tia, e no mo tlogela a tlemologile, mo lese a fofe. Seo ke se re swanetšego go se dira. Re hloka nonyana tsoko ya thaga e fofa. Yeo ke nnete. Tlemolla, gomme tšona dilo tše re di dumelago ka Modimo, šomiša tumelo yeo. Nnete, nnete. Re a e dumela. Le se ke la Mo pinyeletša morago, la re, “Aowa, matšatši a mehlolo a fetile.” Aowa, ga se yona. E fetile go bona bao ba dumelago e fetile, eupša go bona ba ba tsebago bokaonana, e a fapana. Ya.

127 Moisa o rile go nna e se kgale kudu, o rile, “Ga ke kgathale se o se boelago, ke batho ba bakae o nyakago go ba tšweletša,” o rile, “le bjale ga ke dumele go phodišo Kgethwa. Aowa, mohlomphegi.”

128 Ke rile, “Ka kgonthe aowa. E be e se bakeng sa basedumele, e be e le feela bakeng sa badumedi.” Yeo ke phetho. Yeo ke phetho. E no ba bakeng sa bao ba dumelago, yeo ke phetho.

129 Bjale, re hwetša Jesu, bjale, o tllile go hlagiša Lentšu. Bjale, seo ke Se A bego a le sona maabane, seo ke Se A lego sona lehono, seo ke Se A tla bago sona go ya go ile: Lentšu la Modimo le dirilwe go tsebja. A leo ke lentšu le lekaone? Le nagane, huh? Lentšu la Modimo le hlagišitšwe, le laeditše gore Ke Therešo. Gomme se sengwe le se sengwe seo Modimo a rilego O tla se dira, O se dirile. Se sengwe le se sengwe seo se ngwadilwego ka Beibeleng ka Yena a se dira, O se dirile, feela tlwa, gobane O be a le Lentšu le hlagišitšwe.

130 Gabotse, ge A swana maabane, lehono, le go ya go ile, le ditshepišo tšohle tše di lekeletše go moloko wo, gobaneng A ka se be wa go swana lehono go hlagiša se sengwe le se sengwe seo Lentšu la Modimo le se tshepišitšego? Le a bona? E swanetše go ba, e swana tlwa, gobane Seo ke se A bilego nako yela, Seo ke se A lego bjale, Seo ke se A tla bago go ya go ile: Lentšu la Modimo le hlagišitšwe. Amene. Ebile le ka go Mileniamo wo mogolo O tla be a sa le Lentšu la Modimo le hlagišitšwe. Oo, ka fao seo se swanetšego go bea tumelo ya rena, le a bona, go tseba gore le gona. Gomme ge A le Moya wo Mokgethwa go gotetša godimo ga Lentšu lela . . .

131 Bjale, Lentšu ke Peu. Bjale, bontši bja lena baena, le—le fa, ke a nagana, le a lema. Gomme o bea peu ka mobung, gomme mosong wa go latela o ya ntle le go epolla, le go re, “Lehea la ka ga se la be la mela le bjale,” wa le bea morago, wa le khupetša. Mosong wa go latela, “Ke . . . Bona ge eba le a mela gape.” Le ka se tsoge la mela ka mokgwa woo. Aowa, aowa. Nako le nako ge o le epa, o a le ditela. A yeo ke nnete?

132 O dira eng? O a tseba lefase le dirilwe go bjala lehea (A yeo ke nnete?), goba, pe—goba pe—pe peu. Gomme o bjala peu, o e neela go lefase, le go lebala ka yona, Modimo o dira ka moka ga yona. Gabotse, yeo ke tsela ye o dirago ka Lentšu la Modimo, o no Le bjala, o se Le epolle. E no tšwelapele o Le dumela, le go Le neela go Modimo, O Le dira le gole. Yeo ke nnete. Le a bona?

133 Tshepišo e ka ba efe yeo Modimo a e dirago, o no—o no e bjala ka pelong ya gago le go re, “Ke ya ka, Modimo o mphile yona.” Le a bona? Bjale, o ka no se bone dipoelo e ka ba dife gonabjale. Ga se wa tsoge wa bona mabele a gago, ka pela ge o bjetše lehea la gago, eupša ka kgonagalo le gona. Ge feela o tla le tlogela le nnoši, le go tšwelapele o e nošetša, le tla—le tla gola. Le se tshwenyega ka yeo, e tla tšea, ge e le peu ye e nontšhitšwego.

Gomme Lentšu le lengwe le le lengwe la Modimo le nontšhwa ke Modimo ka Boyena. Modimo o ka go Lentšu, kafao Le tla gola, le a tseba Le tla dira.

<sup>134</sup> Ke lena bao. Re swanetše go tšea Lentšu la Gagwe, go Le amogela, go Le dumela, go Le gafela, gomme Le a gola. Yeo ke nnete. Eupša o se ke wa tšwelapele o Le epolla bjale, o tla Le senya. O tla senya puno ya gago nako le nako ge o dira seo. Kafao nno e neela go Modimo le go e dumela.

<sup>135</sup> Bjale, mohlala boka, e re mohlala, ke be ke le godimo mo ntlhoreng ya thaba felotsoko, ke kgakgetšwe gomme ke se na le selo go ja. Gomme pele nka hwetša e ka ba eng go ja. . . Llofo ya borotho e tla phološa bophelo bja ka, gomme tefo ya boleng ya llofo ya borotho, e re, disente tše masomepedi tlhano. Gabotse, ke tla re. . .

Yo mongwe o tla ka gare, gomme a re, “Bothata ke eng, Ngwanešu Branham?”

“Ke swerwe ke tlala go iša lehung, ke ya go hwa.”

“Gobaneng?”

“Ga ke ne borotho.”

Gabotse, o re, “Gobaneng o sa hwetše borotho tsoko?”

“Ga ke na tšhelete.”

“Gabotse, llofo ya borotho e turwa disente tše masomepedi tlhano.”

“Ee, mohlomphegi, eupša ga ke na le disente tše masomepedi tlhano.” Le a bona?

Gabotse, o tla re, “Fa, Ngwanešu Branham, tšea disente tše masomepedi tlhano tše gomme o hwetše llofo ya borotho.”

<sup>136</sup> Oo nna, ke be ke no—ke be ke no bina moribo wo monnyane gohle go dikologa. Gobaneng? Nka no thaba ka kotara ka seatleng sa ka, go reka llofo ya borotho, bjalo ka ge nka ba ka llofo ya borotho, gobane ke na le maatla a go reka bakeng sa llofo ya borotho.

<sup>137</sup> Go no swana le, lebenkele *šelela*, sohle ke swanetšego go se dira ke go e bea fase, gomme ke hwetša llofo ya borotho. Kafao nka no thaba ka kotara ka seatleng sa ka bjalo ka ge nka kgona ka llofo ya borotho, gobane ke maatla a go reka a llofo ya borotho.

<sup>138</sup> Kafao bohlatse bja phodišo ya gago ke eng ge o e dumela? Ga go kgathale se se diregago, o re, “Ga ke ikwele bokaone, ga ke. . .” *Se be le* selo go dira le yona. O na le maatla a tefo, o a e dumela. Kafao e no thoma go bina moribo wo monnyane, wa re, “Tumišang Modimo, ke ya go fola, gobane ke na le maatla a go reka a llofo yela ya borotho.” Ke lena bao. Le a bona?

<sup>139</sup> Bjale, ga go yo motee a ka kgonago go go fodiša, gobane o šetše o fodišitšwe. Ke ba bakae ba tsebago seo? Beibele e ruta seo.



O šetše o fodišitšwe, “Ka megogoma ya Gagwe o fodišitšwe.” Le a bona? Bjale, ga go motho a ka kgonago go go fodiša. Gomme o ka se kgone . . . Ge Jesu a eme mo Yenamong, A ka se kgone go go fodiša, O šetše a e dirile. Le a bona? Yeo ke nnete tlwa. O swanetše go e dumela.

<sup>140</sup> Bjale, ge A dirwa go bonagala le go bona se A bego a le sona maabane, a re e rwaleleng feela pejana gannyane. Bjale, re a tseba gore baprofeta ba Testamente ya Kgale, Modimo ka mehla o bile le batho ba Gagwe go dumela baprofeta ba Gagwe. Re tseba seo, a ga re? Gobane Beibele e boletše gore Lentšu la Modimo, Lentšu bjale le bego le le Modimo, le tlile go baprofeta. A yeo ke nnete? Lentšu la Morena le tlile go baprofeta; Lentšu la Morena le tlile go Jeremia; Lentšu la Morena le tlile go Moshe; Lentšu la Morena le tlile ditsela tša go fapana go baprofeta, e bile bona ba bilego le Lentšu la Modimo. Gomme bona, ka go ba le Lona ba Le bonagaditše. Le a bona? Ba a Le bonagatša, gobane Le tla go bona. Ba bile le Lona, ba Le boletše, ba boletše tlwa se se tla diregago, gomme se diregile. Gomme yeo ke tsela ye ba tsebilego ba be ba le baprofeta. Bjale, le a e hwetša?

<sup>141</sup> Le a bona? Lentšu le tlile go moprofeta, karolo, e sego yohle ya Lona, feela karolo ya Lona e tla tla go moprofeta. Gomme o tla hlagiša tlwa se Lentšu le bilego, gomme le diregile feela ka tsela ye a le boletšego.

<sup>142</sup> Gomme Modimo o rile, “Ge go na le yo motee magareng ga lena yo e lego wa semoya goba moprofeta, Nna Morena ke tla itira Nnamong go tsebja go yena ka dipono, ka bolela le yena ka ditoro. Gomme ge moprofeta yo a profeta, gomme se a se bolelago se phethega, gona kwang moprofeta yola, gobane Ke na le yena.” Leo ke Lentšu ka go yena. Le a e hwetša? “Eupša ge a profeta, gomme ga go phethagale, gona se boifeng moprofeta yoo, gobane ga Ke ne yena.”

<sup>143</sup> Eupša le a bona, ge e ka direga, gona seo se netefaditše gore E be e le Lentšu la Modimo ka go moprofeta. O e boletše, gomme e diregile. Bjale, ka mehla ba be ba swanetše go dumela baprofeta ba bona.

<sup>144</sup> Bjale, ka go Doiteronomio, tema ya 18, Moshe, yo a filego molao go Israele, o rile. . . o ba boditše e ka ba nako ya bofelo. Gomme o rile, “Morena Modimo wa lena o tla tsoša magareng ga lena, go baena ba lena, Moprofeta boka nna. Gomme go tla tla go phethega, gore mang le mang a ka se kwego Moprofeta yola o tla kgaolwa go tšwa bathong.” Bjale, gore . . . Gona re a tseba gore o be a bolela ka Mesia, gobane bohle go theoga go kgabola, ebile ba botšišitše Johane, “A o Moprofeta yola? A o Moprofeta yola?” Ba tšwetšepele ba re, “A o Moprofeta yola?” Le a bona? Gobane ba tsebile Moprofeta yola o be a etla.

<sup>145</sup> Bjale, moprofeta wa mafelelo wa Testamente ya Kgale e be e le Maleaki, mengwaga ye makgolonne le metšo pele ga go Tla

ga Kriste. Gona gateetee, Kriste o tla go lefelotiragalo, gomme O kolobeditšwe ka Jorodane ke Johane. Tate o tla fase ka sebopego sa Moya wo Mokgethwa, o ya ka go Yena. Ka lešokeng O a ya, go lekwa ke diaboloto matšatši a masomenne, morago o tla morago ntle le bodiredi bja Gagwe. A re šetšeng se A bego a le sona bjale, le a bona? Bjale re bona se A bego a le sona. Se A bego a le sona ka go baprofeta, re hweditše. Bjale, re ya go hwetša se A lego. . . se A bilego maabane, gona rena, bjalo ka ge Paulo a boletše, le hono, gona re hwetša se A tla bago go ya go ile. Le a bona?

<sup>146</sup> Bjale, šo O tla ntle. Selo sa pele re Mo hwetšago a se dira. . . Go be go le monna a bitšwago Simone, gomme o be a ne ngwanabo a bitšwago Andrea. Gomme Andrea o be a tsenela kopano ya Johane, gomme yena, Johane, o rile, “Kwana ya Modimo šeo, yeo e tlošago sebe sa lefase.” Gomme Andrea o ile le Yena, gomme o be a kgodišegile ka go tseenelela gore Yoo e be e le Mesia. Kafao o tlile, o boditše ngwanabo motheadihlapi, Simone, yo re mo tsebago ka leina la Petro, o mmoditše, o rile, “Ke hweditše Mesia. Etna, Mmone.”

<sup>147</sup> Bjale ke kgona go eleletša. . . A re nong go šwahlela ka gare, re bone se Simone a swanetšego go be a se naganne. O rile, “Bjale, ema motsotso fa. Bjale, ke nna mmadi wa Beibele. Papa wa ka wa go tšofala, pele a ehwa, o mpoditše, ‘Morwa, go ya go ba se sengwe le se sengwe pele Mesia a etla.’” Gobane ka mehla go ne sehlopha sa maaka se tsogago go lwantšha n—n nnete, re tseba seo, mabaka ohle. “Bjale, o rile, ‘Bjale, go tla ba mehuta yohle ya batho ba nyaka go ba boMesia.’” Gomme yoo ke Jesu, Mophološi. “O rile, ‘Go tla ba bontši bja bona,’ eupša o rile, ‘o se forwe, dula le Lentšu, ka gore Mesia yola o tla ba Kgoši-Moprofeta yola. Le tla Mo tseba gobane O tla dira leswao la moprofeta. Le a bona? Ka gore Moshe, Lengwalo la rena, o re boditše gore Mesia yo a bego a eya go tsošwa magareng ga rena o be a tla ba moprofeta wa go swana le yena. Lentšu la Modimo le tla ba le Yena, O tla be a bonagatša Lentšu la Modimo.’” Amene.

<sup>148</sup> Le a e hwetša? Lentšu la Morena le tla ba le Yena, gobane O tla ba moprofeta, gomme O tla be a bonagatša le—le Lentšu la Morena.

<sup>149</sup> Ke ka baka leo Jesu a rilego, “Puruputšang Mangwalo, ka go Wona le nagana gore le na le Bophelo bjo Bosafelego, gomme A paka ka Nna. Gomme ge Ke sa dire yona mediro, gona le se Ntumele. Eupša ge le sa kgone go Ntumela, ke le Motho, dumelang mediro ye Ke e dirago, gore le phološwe.” Le a bona? Phethagalo!

<sup>150</sup> Bjale, ba be ba lebeletše Moprofeta yo go tsoga. Gomme ge. . . Nnete Andrea o tla a kitimela ka gare, a mmošša. Oo, a ka no ba a naganne, “Andrea, o ile le melodi ya makaba.”

<sup>151</sup> Kafao, letšatši le lengwe, o sepeletše tlase go hwetša Jesu mo lešing. Gomme ge a sepeletše godimo ka Bogoneng bja Jesu,

bjale, elelwang Simone, leina la gagwe e be e le Simone nako yeo, eupša ge a sepeletše ka Bogoneng bja Jesu lekga la mathomo, Jesu ga se nke a ke a mmona, bjale Mo šetšeng bjale, ka pela ge a sepeletše ka Bogoneng bja Gagwe, Jesu o lebeletše go mo dikologa gomme o rile, “Leina la gago ke Simone gomme o morwa wa Jona.”

<sup>152</sup> Oo, nna! Seo se mo hweditše. Oo, O be a sa tsebe feela gore o be a le mang, eupša O be a tseba tate yola wa go tšofala wa bomodimo wa gagwe. Kafao go be go le Moprofeta, ga go yo a bego a ka kgona go e gana, O be a le fao, a dira feela tlwa. O mo tsebile, gomme o tsebile papagwe. O rile, “Leina la gago ke Simone, o morwa wa Jona. Gomme ke ya go go bitša . . . Go tloga bjale go ya pele, ke ya go go bitša Petro,” go rago “letlapa le lennyane, boipolelo,” gobane Petro o Mmoletše.

<sup>153</sup> Bjale, go be go le yo motee a eme kua ka leina la—la Filipi, yo re sa tšogo bala ka yena go išeng monna yo go Jesu, o bone seo gomme o naganne, “E re, seo se a e tswalela, gobane Beibele e boletše gore Mesia yola o tla ba moprofeta. Gomme Yena šo, re a Mmona.”

<sup>154</sup> Kafao o bile le mogwera yo a ithutilego Beibele le yena, disekorolo tša kgale, gomme leina la gagwe e be e le Nathaniele. Kafao go tšwa moo Jesu a bego a rera, ge o kile wa ba fao, ke dimaele tše lesometlhano go dikologa thaba mo fao Nathaniele a phetšego. Kafao Filipi o tlogeletše gomme a kitima go dikologa mo, letšatši leo. Gomme mosong wa go latela o topile Nathaniele ka serapeng a rapela, gomme o rile, “E tla, bona Yo re mo hweditšego, Jesu wa Nasaretha, Morwa wa Josefa.”

<sup>155</sup> Gabotse, o . . . Ba ithutile Mangwalo mmogo ge e sa le bašemane, ba ile kerekeng ya go swana, gomme o rile, “Bjale, ema motsotso fa, feela motsotso. A go ka ba le selo e ka ba sefe se sebotse go tšwa Nasaretha?”

O rile, “E tla, o bone.”

“A se sengwe boka Seo se ka tšwa . . .?”

<sup>156</sup> Bjale, yeo ke ye botse—yeo ke karabo ye botse go e ka ba mang, “O se dule gae gomme wa e swaswalatša. E tla, hwetša.” Seo se ya gabotse le bjale lehono. “E tla, iponele ka bowena.”

<sup>157</sup> Šeba ba ya go dikologa khona, ba tla go dikologa, o rile, “Bjale, lebelela. A o elelwa mokgalabje yola a bitšwago Simone, yo a bego a sa kgone go ngwala leina la gagwe, ge o . . . o . . . rekile hlapi tsoko go tšwa go wena, gomme o be o sa kgone go go fa . . . o be a sa kgone go fa rasiti?”

“Oo, ya. Morwa wa Jona?”

<sup>158</sup> “Ee. Maabane o tšile godimo pele ga Mesia, yo re Mo tsebago, Mesia. Ga se nke a ke a Mmona bophelong bja gagwe bjohle. Gomme O rile, ‘Bona, leina la gago ke Simone gomme o morwa wa Jona.’ Bjale lebelela, bobedi re tseba Mangwalo. Gomme a

Beibele ya rena ga e re botše gore Mesia o tla ba moprofeta? Gomme Yena šo, o dira se.”

<sup>159</sup> Ao, Filipi ga se a kgona go dumela seo, goba, Nathaniele. Kafao o tlile godimo ka Bogoneng bja Jesu, gomme ge a sepeletše godimo ka Bogoneng bja Jesu, Jesu o lebeletše thwi go yena gomme o rile, “Bonang MoIsraele, yo ka go yena go sego bomenetša!” ka mantšu a mangwe, monna wa go loka.

<sup>160</sup> Gomme go mo makaditše, o rile, “Rabi,” go rago “morutiši,” “Rabi, ke neng O kilego wa ntseba? Wena ga se nke wa ke wa mpona. Gobaneng, ke—ke tšwa go karolo ye nngwe ya naga, ke no tla ka fa. Wena ga se wa ke wa mpona, O tseba bjang ke nna monna wa go loka?”

O rile, “Pele Filipi a go bitša, ge o be o le ka tlase ga mohlare, Ke go bone.” A mahlo!

<sup>161</sup> A le tseba se serutegi sela sa Beibele se se boletšego? O rile, “Rabi, Wena o Morwa wa Modimo; Wena o Kgoši ya Israele.” Gobaneng? O bone O be a le tlwa ponagatšo ya Lentšu la Modimo. Mengwaga ye makgolonne ntle le moprofeta gomme šo O eme, tlwa se Beibele e rilego O tla se dira. “Rabi, Morutiši, O Morwa wa Modimo; O Kgoši ya Israele.”

Jesu o rile, “Gobane Ke go boditše se o a dumela? Gona etla pele, Ntatele, o tla bona tše kgolwane go feta se, o a bona.”

Go lokile. Oo, yoo e be e le Jesu maabane.

<sup>162</sup> Bjale, go na le merafo ye meraro feela ya batho lefaseng ka moka, ge re dumela Beibele. Oo, ke a tseba ba tleleima gore go na le ba bantši, eupša lebelelang, bohle re hlogile go tšwa go yona, ka morago ga tshenyego ya pele ga meetsefula, ge lefase le senywa ka meetse, re dumela seo bjalo ka Bakriste, Noage o bile le barwa ba bararo, Hama, Seme, le Jafete, gomme bohle re tšwa go bona bašmane ba bararo, re swanetše.

<sup>163</sup> Gomme bjale, ge le ka hlokomela, Petro o filwe dikgonyo tša Mmušo, gomme yoo e be e le Mojuda, Montle, le Mosamaria. Bjale, Petro o be a swere dikgonyo tša Mmušo. Ka letšatši la Pentecost, o butše Ebangedi go Bajuda, Ditiro 7, o e butše go Basamaria, Filipi o ile tlase a rerela Basamaria, feela ba be ba se. . . ba dumetše, feela ba kolobeditšwe Leineng la Jesu Kriste, gomme o ile tlase le go bea diatla godimo ga bona, gomme ba amogetše Moya wo Mokgethwa. Morago ka go Ditiro 10:49, o butše Ebangedi go Bantle mo ntlong ya Koronelio. Le a bona? Fao go bobedi batho ba Hama, Seme, le batho ba Jafete. Le a hwetša? Merafo ye meraro.

<sup>164</sup> Bjale, go be go le merafo ye mebedi ya bona e lebeletše Mesia, yeo e be e le Mojuda le Mosamaria. Eupša rena Anglo-Saxon, Bantle, re be re rapela medimo ya diswantšho, tlelapo mokokotlong wa rena, gomme re be re rapela medimo ya diswantšho, re be re se ra lebelela Mesia. Gomme ga se nke A

dira seo pele ga Mesia e ka ba ofe, uh, aowa, leswao lela fale pele ga Montle e ka ba ofe, le gatee, ga se la ngwalwa ka Lentšung. Eupša lebelelang, leo e bile leswao la Gagwe le le netefadišego gore O be a le Mesia.

<sup>165</sup> Lebelelang Bajuda ba ba go kgwahla, Petro, gomme (Ke mang gape re ka go mmolela?) ba bantši ba bona, mosadi ka taba ya madi yo a kgwathilego seaparo sa Gagwe, Sakeo, godimo ka mohlareng, sefoku Baratamio, tumelo ya gagwe e Mo emišitše, gomme O retologile go dikologa, Bajuda bale bohle ba go kgwahla. O laeditše gore O be a le Mesia ka go ba Moprofeta yo a iponagadišego Yenamong.

<sup>166</sup> Bjale, bjale, re hwetša . . . Re tšea bona ba babedi. Re ya go no tšea . . . bjale, re ya go tloga . . . re tla morago gosasa bošego, go topa Bajuda ba bangwe gape. Eupša bjale, bošegong bjo, re ya pele go Montle, goba, go Mosamaria, go na le moloko wo mongwe o lebeletšego Mesia. Bjale, ge A le lefaseng, O swanetše go iponagatša Yenamong go yo a Mo lebeletšego, o swanetše.

<sup>167</sup> Hlokomelang. Bjale, fa O itirile Yenamong go tsebja go Bajuda, ka eng? Go bolela diphiri tša pelo ya bona, go ba botša se ba se dirilego, le go ya pele, re tseba seo. Bjale, a seo se netefadiš O be a le Lentšu? Ke ba bakae ba dumelago seo?

<sup>168</sup> Bjale, le ngwala Mangwalo, beang se fase. Bahebere, tema ya 4, e ka ba temana ya 12, e rile, “Lentšu la Modimo le bogale go feta tšhoša ya magalemabedi, le phuleletša ebile go aroganya lerapo le moko, gomme ke Mohlathi wa dikgopolo ka pelong.” A yeo ke nnete, baena? Lentšu la Modimo le hlatha kgopolo yeo e lego ka dipelong tša bona. O ile a lebelela godimo ga bona gomme a bona dikgopolo tša bona. A seo ke therešo? E be e le eng? E be e le Lentšu. “Lentšu la Modimo ke le bogajana go feta tšhoša ya magalemabedi, le Mohlathi wa dikgopolo tša pelo.” Ke ka baka leo ba tsebilego gore O be a le ponagatšo ya Lentšu la Modimo; yoo e be e le Jesu maabane.

<sup>169</sup> Bjale, O be a le tseleng ya Gagwe go theogela Jeriko. Jerusalema e dutše godimo ga thaba, Jeriko e dutše ka moeding. O be a eya Jeriko, eupša O bile le tlhoko go feta Samaria, bjale, yeo ke to—to toropokgolo ya Sikara. O eme, O rometše barutiwa ba Gagwe ka gare go hwetša se sengwe go ja, e swanetše go ba e bile e ka ba nako ya sekgalela.

<sup>170</sup> Ge ba sa ile, go bile le mosadi yo mobotse a etla ntle fale, o be a le wa tumo ye mpe, re tseba se o se rago kua, mohuta wa lebone le lehubedu, eupša a ka no ba a be a le mosetsana wa go ratega. Ga go pelaelo eupša se a bego a le mosetsana wa go ratega, eupša mohlomongwe o bile le se sengwe go dira seo, mohlomongwe mmagwe o mo retolletše mokgotheng ge a be a le segotlane.

<sup>171</sup> Le a tseba, re bolela kudu ka Amerika ka go seleka ga baswa, ga se go seleka ga baswa, ke go seleka ga batswadi. Dinako tše

dingwe mosetsana o ya phošong gobane mmagwe ga a mo dire a loke. Yeo ke nnete tlwa. Kafao dinako tše ntši ke phošo ya batswadi, e sego bana, go seleka ga baswa.

<sup>172</sup> Kafao mo re hwetša mosetsana yo moswa yo, o tlile ntle, ke mosadi yo moswa, go molaleng ka bosweng bja gagwe bja bomasomepedi. O tlile ntle. . . Bjale, ke bile ka bohlabela, ke tseba metlwae, ga e tsoge ya fetoga. Bjale, lebaka le a sego a ya pele, le dikgarebe, sedibeng, go ga meetse, ga se a dumelelwa, ga ba hlakane mmogo, gomme kafao, o ile a swanela go ya ntle moragwana; kafao šo o tla ntle go bapa e ka ba sekgalela.

<sup>173</sup> Gomme le swanetše go bona ka tsela ye ba rwelego meetse. Ba ne ye kgolo bogolo. . . Ga se, ga se pakete, ke—ke moeta. Ke. . . e swara e ka ba kalone tše tharo, ke a thanka, gomme e na le seatla godimo ga ona. Gomme ka gona, ba na le sediba se na le kgamelo ya dihuku, gomme ba tšea dihuku tše gomme ba di karabetša ka go dikgamelo tše kgolo tše, gomme ba di theošetša fase, gomme ba di dira gore di tlale meetse, gomme ba a gogela godimo.

<sup>174</sup> Gomme ke bone basetsana ba baswa, aowa, gabotse, feela basetsana ba baswa ba dutše le go bea wo mongwe wa meeta ye megolo yela godimo ga hlogo ya gagwe, o tee godimo ga legetla le lengwe le le lengwe, gomme sehlopha ka moka sa bona ba eya mmogo ba bolela, ba šikinya dihlogo tša bona, ba boledišana seng, ga se ba tsoge ba tšholla lerothi, le gatee. Ba e dira bjang, ga ke tsebe. Ba sa e dira, ba bolela, feela bjalo ka ge bahumagadi ba kgona, le a tseba. Kafao ba ya go bapa fale feela ka kgonthe ba swere poledišano gomme ba sa tsoge ba tšholla nthatana ya meetse, gomme ba sa e dira.

<sup>175</sup> Bjale, o tlile ntle go tšea moeta wa gagwe, gomme a thoma go o theošetša fase. Bjale, sediba sela, se sa eme fale, se no ba. . . ke sona Jakobo a se filego Josefa, morwa wa gagwe. Gomme kafao, e be e le ponagalo ye nnyane, e ka ba boka sefala se godimo fa. Gomme se. . . Gomme go na le leboti tikologong, gomme ka gona sediba sa bathobohle fao batho ba nwago. Kafao o thomile go theošetša pakete ka gare, goba, moeta, gomme o kwele yo Mongwe a re, “Mosadi, Ntlišetše seno.” Gomme o retologile le go lebelela.

<sup>176</sup> Bjale, O be a se eupša, e ka ba, bogolo bja mengwaga ye masometharo tharo, eupša O lebelegile ka godimo ga masometlhano. A le a tseba Beibele e boletše seo? Um-hum. Ka go Mokgethwa Johane 6 ge A rile, “Ke nna Borotho bja Bophelo bjo bo tšwago go Modimo Legodimong. Botataweno ba jele manna ka lešokeng gomme ba hwile.” O rile, “Eupša Ke nna Borotho bja Bophelo bjo bo tšwago go Modimo Legodimong. Ge motho a eja Borotho bjo a ka se tsoge a hwa.” Oo, ba ile pele ba ahlaahla lebakana le lennyane.

<sup>177</sup> Gomme kafao, gona ba. . . O rile. . . O ba boditše. O boletše gore, “O re o yena, o bone Abraham, ge o se ka godimo ga bogolo

bja mengwaga ye masometlhano?” O be a no ba masometharo, eupša mošomo wa Gagwe o swanetše go be o Mo dirile a bogege masometlhano. “Ga o monna ka godimo ga bogolo bja mengwaga ye masometlhano, gomme o bolela gore o bone Abraham?” Ba rile, “Bjale, re a tseba o na le diabololo, gomme o a gafa, go tshereana.” Le a bona?

O rile, “Pele Abraham a bile, KE NNA.” Seo se e rumme.

Gomme šo O be a le bjale, e ka ba, mo—mo—mo Mojuda yo moswa a dutše godimo kua a nno bogela. Gomme kafao, O rile, “Ntlišetše seno.”

<sup>178</sup> Gomme o rile, “Ga se setlwaedi,” ba be ba na le kgethologanyo nako yeo go swana le ge re be re na le yona ka borwa, le a tseba, gare ga makhalate le bašweu. O rile, “Ga se setlwaedi go wena, go beng Mojuda, go nkgopela, mosadi wa Mosamaria go . . . go e ka ba eng,” o rile, “ga re dirišane seng sa rena.”

O rile, “Mosadi, ge nkabe o tsebile Yo o bego o bolela le yena, o be o tla Nkgopela seno, gomme Ke go fa Meetse o sa tlego mo go a ga.”

O rile, “Sediba se a sobeletša,” le a bona, e sa le go nagana ga nama. “Sediba se a sobeletša,” gomme o rile, “ga o ne selo go ga ka sona.”

O rile, “Meetse a Ke a fago ke Bophelo bjo bosafelego, a tabogela godimo.”

<sup>179</sup> Ba na le . . . ? . . . O be A dira eng? O be a kgokagana le moya wa gagwe. Le a bona? A kgokagana. Ge A swere se bothata bja gagwe bo bilego . . . Ke ba bakae ba tsebago se bothata bja gagwe bo bilego? O bile le bannabagatša ba bahlano, o be a phela le wa gagwe wa boselela. O rile, “Mosadi, eya go tšea monnamogatša wa gago, gomme le tle mo.”

O rile, “Ga ke ne monnamogatša yo itšego.”

O rile, “O boletše therešo.” O rile, “O bile le ba bahlano . . . o bile le ba bahlano, gomme yo o dulago le yena bjale ga se wa gago, ka go seo o boletše therešo.”

<sup>180</sup> Bjale, lebelelang, ge A dirile seo pele ga bona Bajuda, bona Bajuda ba rile, bona baprista ba bagolo ba bagolo, le barutiši ba wona matšatši, ba rile, “Ehu.” Ba ile ba swanela go araba kereke ya bona. E be e dirilwe, kafao ba ile ba swanela go botša phuthago ya bona se sengwe, ga se ba kgona go e feta, gobane ba ile ba swanela go kopana le taba.

<sup>181</sup> Kafao o rile, “Ehu.” O rile, “Monna yo ke Beletsebubu, mokgoma wa bodiabololo,” mmolelelamahlatse, ka mantšu a mangwe. O rile, “Yena ke mmolelelamahlatse.” Gomme mang kapa mang o a tseba mmolelelamahlatse ke wa diabololo. Kafao o rile—o rile, “Ke Beletsebubu, mmolelelamahlatse.” Go lokile.

182 Gomme ge a dirile seo, O retologile go dikologa, a lebelela go bona Bajuda, O rile, “Ke tla le lebalela, Nna, Morwa wa motho, ke tla le lebalela bakeng sa go bolela se, go rogaka Lentšu la Modimo. Eupša,” o rile, “letšatši le lengwe,” ka mantšu a mangwe, “Moya wo Mokgethwa o tla go dira mošomo wa go swana, gomme lentšu le tee kgahlanong le Wona le ka se tsoge la lebalelwa motho ka go lefase le, le ka go lefase le le tlogo.”

183 Kafao le bona moo e re beago. Lentšu le tee kgahlanong le Wona le ka se tsoge la lebalelwa. Seo ke go rogaka Moya wo Mokgethwa. Ge ba Mmone a eme fale ka . . . O be a le Lentšu, gomme Lentšu le be le itlhagiša Lonamong feela boka Beibele e boletše, gomme ba rile, “Yena ke mmolelelamahlatse.” Gomme le tseba se se diregilego go bona, yo mongwe le yo mongwe wa bona o lahlegile. Tlwa.

Bjale, šo O eme le mosadi yo, gomme O rile, “Sepela, hwetša monnamogatša wa gago.”

O rile, “Ga ke naye.”

O rile, “O boletše gabotse. O bile le ba bahlano, gomme yo o dulago le yena bjale ga se wa gago.”

184 O . . . Eng? Lebelelang mmalegogwana yo monnyane yo, O retologile, gomme o rile, “Mohlomphegi, ke a bona gore O moprofeta.” A phapano! Mosadi yola o tsebile bontši ka ga Modimo go feta seripa sa bareri ka United States, yeo ke nnete, ka seemong sa gagwe.

185 Lebelelang, o rile, “Mohlomphegi, ke a bona gore O moprofeta. Rena,” Basamaria, “re a tseba gore Mesia o etla, yo a bitšwago Kriste. Gomme ge A etla, leo e tla ba leswao la Gagwe.” Oo, nna! Seo ke se A bego a le sona maabane. Le a bona? Le a bona? “Re a tseba gore Mesia, yo a bitšwago Kriste, ge A etla O tla re botša dilo tše. Wena o Mang?”

Gomme O rile, “Ke nna Yena yo a bolelago le wena.”

186 Gomme o dirile eng? O tlogetše moeta wola, o kitimetše ka toropongkgolo, gomme o rile, “Etlang, bonang Monna yo a mpoditšego dilo tše ke di dirilego. A yo ga se yena Mesia?”

187 Gomme batho ka toropongkgolo ba Mo dumetše gobane mosadi o boletše gore O mmoditše se a se dirilego. A yeo ke nnete? Gabotse, yoo e be e le Jesu maabane. Bjale, e be e se seaparo sa Gagwe, bohle ba apere go swana. E be e se tsela ye A bego a apara maledu a Gagwe, goba a kama moriri wa Gagwe, bohle ba o apere go swana. Eupša e be e le ponagatšo ya Lentšu la Modimo ka go Yena, le hlatha dikgopolo tša pelo. Ke ba bakae ba dumelago seo?

188 Gabotse, yoo ke Jesu maabane; yoo e tla ba Jesu lehono, a e ka se ke? Jesu wa go swana, Jesu wa go swana yo a bego a na le Moshe, Moshe o tlogetše Egepeta, a sema kgobogo ya Kriste mahumo a magolwane go feta ale a Egepeta. Yoo e be e le Jesu



maabane. Paulo o rile, “O a swana lehono gomme o tla ba go ya go ile.” Gobaneng e le? Jesu ke Lentšu, Ponagalo ya Lentšu, Lentšu le dirilwe nama.

<sup>189</sup> Bjale, go tswaleleng nka bolela se. Re ka kgona go ema mo bošego bjohle, eupša ga re tsoge ra fihla bofelong bja yona, gobane e no ba Beibele ka moka, e nno gokarela thwi go dikologa fale. Le a bona? Bjale, elelwang. Bjo e bile bofelo bja lebaka la Bajuda, le ba—le Basamaria, seo—seo se ba fedišitše.

<sup>190</sup> Bjale, ka go ba ba bararo, bao e be e le batho ba Hama le Seme. Bjale, go reng ka batho ba Jafete, batho ba, Bantle? Bjale, re be re se ra lebelela Mesia. Gomme ba bile le mengwaga ye dikete tše nne go dumela O be a etla. Gomme ge A etla, ga se ba Mo dumela. Gomme O dirile leswao la Mesia go netefatša gore O be a le Mesia, gomme Bajuda bale bao ba beetšwego go ya Bophelong ba e dumetše.

<sup>191</sup> Lebelelang seotswa se sennyane sela. Gabotse, a ka be a dutše ka ntle ga dikereke tša bona, ka kgonagalo fomale, go tonya, le go thatafala, ga se go mo dire botse. Eupša ke . . . o be a kgethetšwepele go ya Bophelong bjo Bosafelego. Gomme ka pela ge selo seo se dirilwe, ka pela o se lemogile. E be e le eng? Seetša sela . . . Peu yela e tšweletše go ya Bophelong. Ee. “Bohle Tate a Mphilego ba tla tla. Gomme ga go motho a ka tlogo ntle le ge Tate wa Ka a mo goga pele.” Amene. Ke lena bao.

<sup>192</sup> Gomme ka pela ge Seetša sela se pekentše, o boletše eng? O rile, “Mohlomphegi, ke a bona gore O moprofeta. Re a tseba Mesia o tla go dira selo se. Gomme ge A etla . . .”

O rile, “Ke nna Yena yo a bolelago le wena.”

<sup>193</sup> Bjale, go be go se maleba go yena go ya ka toropongkgolo, eupša go leka go mo emiša. Ga go kgathale se a bego a le sona, leka go mo emiša gatee. Go swana le go tima ntlo, gomme e tuka ka letšatši la phefo. Oo, o bile le bopaki. O tsebile Lentšu, gomme o rile, “Mesia šole fale, O mpoditše dilo tše ke di dirilego. Puruputšang Mangwalo. A Yoo ga se yena Mesia?”

<sup>194</sup> Gomme banna ba rile, “Yeo ke yona,” gomme ba dumetše go Yena. Ga se A e dira gape, O nno e dira go mosadi yo motee yola, o mmontšhitše seo. Gomme banna bohle ba toropokgolo ba dumetše go Jesu gobane mosadi o boletše bjalo. Oo, nna!

<sup>195</sup> Bjale, ga se A dira mehlolo e ka ba efe fale. O sepetše, gobane O tsebile Filipi o be a etla thwi tlase go dira mehlolo thwi ka morago ga Gagwe. Le a bona? Kafao O nno tlogela yeo e nnoši, a sepela go tloga. Ba tsebile yoo e be e le Mesia. Seo se be se lekanetše. Mehlolo e tla direga ge feela o lemoga Mesia.

<sup>196</sup> Bjale, lebelelang. Bjale, re bile le mengwaga ye dikete tše pedi tša thutamodimo, boka Bajuda ba bile le mengwaga ye dikete tše nne. Modimo, go tšwa go Bantle, o tla tšea ba—ba batho bakeng sa Leina la Gagwe. A le dumela seo? Go lokile.

<sup>197</sup> Bjale, a le a dumela re nakong ya mantšiboa? Bjale, lebelelang se Jesu a se boletšego godimo mo. Ke ya go tšopola go tšwa go lena. . . go tšwa go Luka 17:28. Jesu o rile, “Bjalo ka ge go bile ka matšatšing a Sodoma,” bjale, ke a tswalela, “ka matšatšing a Sodoma, go tla ba bjalo ka go Tleng ga Morwa wa motho.” Ke ba bakae ba kilego ba bala seo? “Bjalo ka ge go bile ka matšatšing a Sodoma, go tla ba bjalo ge Morwa wa motho a etla.” Bjale, e ka se kgone—e ka se kgone go palelwa, O e boletše. Le a bona? Bjale, hlokomelang.

<sup>198</sup> Bjale, O ile pele le go bolela ka Noage, ka fao ba bego ba eja, ba enwa, ba nyala, ba neela lenyalong, maitshwarohlephi a yona. Gomme ka gona o rile, “Ka mokgwa wo bjalo, bjalo ka ge go bile ka matšatšing a Sodoma, go tla ba ka go Tleng ga Gagwe.”

<sup>199</sup> Hlokomelang. Mo matšatšing a Sodoma. . . Bjale, emang. Go bile le monna yo a bidityego ka kgetho, Abraham. O be a no ba monna wa mehleng, Modimo o mmoditye ge a be a le bogolo bja mengwaga ye masometshela tlhano, gomme. . . o be a le masomešupa tlhano, gomme mosadimogatša wa gagwe o be a le masometshela tlhano, gomme o mmoditye ba be ba eya go ba le lesea. Gomme o dumetše Lentšu lela lebaka la mengwaga ye masomepedi tlhano, gomme o be a le lekgolo, gomme mosadimogatša wa gagwe o be a le masomesenyane, gomme lesea la tla.

<sup>200</sup> Ke duma nkabe ke na le nako go ya go kgabola go ithuta go gonyane gola le lena lebaka la e ka ba beke fa. Oo, nna! Ke a dumela tumelo yela ya India e tla ya thwi ka ntle ga ntlhora ya tabarenekele kua, le a bona, go bea yeo ntle.

<sup>201</sup> Ke sa tšwa go kgabola Grass Valley tlase kua ka. . . Oo, nna! Gomme ka Grass Valley, moo ditheipi le dilo di bapetšwego, pele ga go tla, gomme ke tšere yeo, ga se ke rapelele e ka ba mang, go no e tlogela e nnoši, gomme ke tšere yela gomme ke beile Peu yela ya Abraham, le tumelo ya Abraham, le Peu ya Abraham. . .

<sup>202</sup> E sego feela Modimo o tshepišitše Abraham, eupša Peu ya gagwe ka morago ga gagwe. Gomme re Peu ya Abraham, gomme re ka go Kriste, re Peu ya Bogoši ya tshepišo. Gomme Abraham o dirile eng? “O Bitša dilo tšeo di bego di se gona mo o ka rego di be di le gona, gobane Modimo o boletše bjalo.” Nna! Ke kgona go bona, ge Modimo a mmoditye, o rile, “Abraham, o ya go ba le lesea ka mosadimogatša wa gago.”

<sup>203</sup> Bjale, elelwang, masometshela tlhano o e ka ba lesometlhano, masomepedi a mengwaga go feta menophose, go fetoga ga bophelo. Le a bona? Bjale, o be a phetše le yena ge e sa le a be a le bogolo bja mengwaga ye lesomeseswai, go be go se lesea. O be a sa belege. . . O be a le moopa, o be a sa belege, a se ne lesea, gomme efela, Modimo o rile, “O ya go ba le lona.” Gomme, “Abraham ga se a tekateka go tshepišo ya Modimo ka

gosedumele, eupša o be a tiile, a efa tumišo go Modimo.” Yeo ke nnete.

<sup>204</sup> Go reng ka bana ba gagwe? Yeo e be e le peu ya tlhago. Go reng ka Peu ya Bogošī ka Kriste, ka tumelo ya go swana ye a amogetšego go mo hwetša ka yona? Amene. Oo, nna! Seo se tla go rwalela mošola ka kua ga ngwedi, le dinaledi, le go go kitimišetša godimo ga Tsela Ye Tšhweu ya Maswi, ee, mohlomphegi, go feta Jupiterere, Venus, le Mars, le go ya pele, go tumelo yela, le a bona, tumelo ya Abraham. Hlokomelang.

<sup>205</sup> Ke kgona go bona Abraham a re, a etla gae go tšwa tšhemong, a re, “Hani, eba komana, re ya go ba le lesea.” A o ka eleletša mokgalabje, bogolo bja mengwaga ye masomešupa tlhano, mosadimogatša wa gagwe masometshela tlhano, a eya tlase go ngaka, a re, “Doc, ke go botša eng, dira komana, re ya go ba le lesea. Re nyaka go lokiša kamora ya sepetlele.”

Ngaka o tla re, “Oo, oo. Ee, mohlomphegi. Uh-huh,” gomme a bitša maphodisa thwi ka pela go mo kukela godimo, o tlogile hlogong ya gagwe. Le a bona? Le a bona?

<sup>206</sup> Mang kapa mang, o tšea Lentšu la Modimo, o dumela Lentšu la Modimo, o tšewa go ba segafa gannyane, le a tseba. Ba a dira, gobane ba lahlegetšwe ke monagano wa lefase, ba ne monagano wa Modimo. Le a bona?

<sup>207</sup> “Bea dilo komana.” Gabotse, gona, matšatši a mathomo a masomepedi seswai a fetile, gomme bjale, ka fao Sarah yo monnyane a beilego dietana komana, le a tseba, gomme a bea dietana tšohle tše nnyane komana, gomme ba ne koromo, le diphini, le se sengwe le se sengwe, ba itokiša. Kafao ba ya go ba le lesea, kgonthe bjalo ka lefase, gomme morago matšatši a masomepedi seswai a fetile.

O rile, “O ikwa bjang, moratiwa?”

“Ga go phapano.”

“Letago go Modimo, o ya go ba le lesea go le bjalo.”

Bjale. . . ? . . . bona ba re, “Aa! Ke naganne o ka se be le lona.”

<sup>208</sup> Modimo o rile, “Ikaroganye wenamong go tloga go bona basedumele. Etlela godimo fa ka nageng ye nngwe, sepela le Nna.” Oo, nna! “Tlogang go bona basedumele ba kgale, ba tla—ba tla le gobatša. Tšwelang ntle go tšwa magareng ga bona.” Yeo ke nnete. Tlogang go bona, ga ba nyake go dumela.

Ngwaga wa pele—wa pele o fetile, Abraham o sepeletše godimo gomme o rile, “Sarah, hani, o ikwa bjang?”

“Ga go phapano, moratiwa.”

“Letago go Modimo, lesea le mohlolo ngwaga bontši. Haleluya! Re ya go ba le lona go le bjalo. Boloka dietana di le komana.”

Gabotse, e ka ba lesome, mengwaga ye lesometlhano, mohlomongwe mengwaga ye masomepedi e fetile, o rile, “Abraham, hani, dietana tše di ba mohuta wa kgale.”

“Roka tše dingwe tše mpsha. Haleluya! O ya go ba le lona go le bjalo.”

“Gabotse, eupša, Abraham, ga ke ikwele phapano e ka ba efe.”

“Ga se selo se o se kwago, Modimo o boletše bjalo, seo se a e ruma. O ya go ba le lona go le bjalo, Modimo o boletše bjalo.” Oo, ngwanešu. Oo, nna!

Bjale, o bogolo bja mengwaga ye lekgolo, oo nna, gomme Sarah o masomesenyane, koko yo monnyane, le a tseba. “O ikwa bjang, hani?”

“Ga go phapano, morategi.”

“Haleluya! Re ya go ba le lona go le bjalo.”

<sup>209</sup> Lebelelang se Modimo a mo diretšego, O mo fetotše, o mo dirile lesogana gape, yena le yena. Nnete, O dirile. Ka nnete. Ge seo e se nnete, ge ba ile tlase Gerare, gobaneng, kgoši a ratana le makgolo yola yo monnyane? O lebeletše go yena moratiwa, gomme o rile, selo se sebotsebotse a kilego a se bona, o rile, “O yo mobotse go lebelelwa.” Makgolo yo monnyane? Aowa, o boetše morago go lekgarebe, go bontšha tlwa se Modimo a yago go se dira go ye nngwe le ye nngwe ya Dipeu tša Abraham. Haleluya! Monna le mosadi yo mongwe le yo mongwe, ga go kgathale se mengwaga ya gago e lego, le ka fao o tšofetšego, Modimo o tla go bušetša nako ye nngwe morago go lesogana le lekgarebe gape, bakeng sa letago la Modimo, gobane o Peu ya Abraham. Oo, nna. Ke rata seo bjang.

<sup>210</sup> Bjale, hlokomelang, O rile, “Bjalo ka ge go bile matšatšing a Sodoma. . .” Bjale, re bona Abraham a etla godimo Sodoma, Modimo o be a mekamekane le yena go kgabola mengwaga le mehuta yohle ya maswao le matete, eupša bjale ema, feela bjalo ka ge A dirile Peu ya Abraham.

<sup>211</sup> Re—re bile Pentecost bjale lebaka la mengwaga ye masometlhano, re bone go bolela ka maleme, tlhathollo ya maleme, re bone phodišo Kgethwa, maswao, le se sengwe le se sengwe. Eupša bjale, ema motsotso, Sodoma e lokela go tšhungwa, e sego meetsefula a Noage bjale, ye ke Sodoma, O boletše.

<sup>212</sup> Gomme lebelelang go oketšega ga maitshwarohlephi ka lefaseng ka go mengwaga e se mekae ya go feta, mengwaga ye masomenne, goba se sengwe. Lebelelang ka fao oketšegago ka letšatši, ka iri. Go feta godimo ga Hollywood letšatši le lengwe, ke bile, goba, nako ye nngwe ya go feta, ke bile le sefofane, le go bala moo bohomoseke ka Los Angeles bo oketšegilego, goba, ka California go oketšegile diphesente tše masometharo godimo

ga ngwaga wa go feta. Le a bona? Phapogo, feela tlwa boka Sodoma. Lefase ka moka le retologetše ka tsela yela, Lebopo le la Bodikela, moo bohlabela le bodikela di kopanego mo. Le a bona? Yeo ke nnete.

Kafao bjale re a bona re mo matsatšing a mafelelo, boka Abraham, Peu ya gagwe ya Bogošī e tliile godimo go matsatši a mafelelo, boka Abraham yenamong a etla godimo mo matsatšing a mafelelo.

<sup>213</sup> Bjale, elelwang, ka mehla go ne magoro a mararo a batho, gomme fa ke ya go ba bitša, bao ke badumedi, baitirabadumedi, le basedumele, ba ka go lešaba le lengwe le le lengwe. Kafao le—le na le bona. Kafao ba be ba le fao, mo go be go le Abraham, Kereke ye e bileditšwego ntle le go kgethiwa; Loto, ya go tonya, kereke ye fomale, tlase ka Sodoma, le Basodoma.

<sup>214</sup> Gomme letšatši le lengwe, ge iri e be e le kgauswi le go lokela go swa ga lefase ka nako yeo, Abraham o be a dutše ka tlase ga moouko wa gagwe. Bjale, theetšang sekgauswi ka kgonthe, le se hlaiwe ke se. Bjale, Jesu o rile e tla boeletša mo nakong ya bofelo, feela pele A etla.

<sup>215</sup> Bjale, fao go tliile Barongwa ba bararo, gomme yo Motee wa bona e be e le Modimo. Kafao O dutše fase le Abraham, gomme ba babedi ba bona ba ile tlase ka Sodoma gomme ba rerile Ebangedi go bona. A yeo ke nnete? Billy Graham wa sebjalebja go kereke ya go itekanela yeo e lego ka Sodoma, banna ba bagolo boka bao, Oral Roberts, go ya tlase kua, a dira... Ga se ba dira mohlolo wo montši, e sego ye mentši kudu. Ba dirile se sengwe, ba ba fougaditše, go rera Ebangedi go betha... Ba be ba le fao ka sekgaong sela sa kerekeleina, ba ile tlase kua ba rera Ebangedi. Billy Graham yola yo mogolo, moebangedi yo maatla go Mabaptist le Presbyterian, oo, o bea mothalo tlase go bona. Eupša le a bona, o ba reretše, a ba biletša ntle.

<sup>216</sup> Eupša go bile le yo Motee a šetšego morago le Abraham, gomme O file Abraham leswao. Bjale, theetšang sekgauswi ka kgonthe. Feela letšatši pele ga fao, leina la gagwe e be e le Abram, gomme leina la gagwe e be e le S-a-r-a-i, Sarai. Gomme O fetotše leina la gagwe go tloga go Abram go ya go Abraham, tatago ditšhaba; h-a-m, A-b-e-r-h-a-m, ditlhaka tše šupago, A-b-e-r-h-a-m, Abraham. Bjale, O fetotše leina la Sarah go tloga go S-a-r-a-i go ya S-a-r-a-h, mohumagatšana.

<sup>217</sup> Bjale, Barongwa bale—bale ba ilego tlase ka fale, ba ile tlase le go rera Ebangedi, le go ba botša go, “Etšwang ka—etšwang ka tlhakahlakanong yela tlase kua, etšwang magareng ga yona.” Gomme a seo ga se se Billy Graham, le bona ba bagolo, Jack Shuler, le bona baisa lehono, ba bitša go tšwa Babilonia lefaseng ka bophara? Eupša Morongwa yo a dutšego le Kereke ye e sego ya ke ya ba ka Sodoma, hlokomelang se A se dirilego bakeng sa leswao.

218 Bjale, Sarah o be a sa swane le basadi ba sebjalebja le ba lehono. Uh-uh. O dutše ka tenteng. Kafa o Morongwa yo o rile go Abraham, O rile, “Abraham,” e sego Abram, “Abraham,” O tsebile bjang leina la gagwe e be e le Abraham bjale? “mosadimogatša wa gago o kae,” S-a-r-a-h, “Sarah?” O tsebile bjang o be a nyetše? Ka fao, O a tseba leina la gagwe e be e le Abraham, ge e be e le Abram? O tsebile bjang Sarah, mosadimogatša wa gagwe (e be e le Sarai), e be e le Sarah?

“Abraham, mosadimogatša wa gago o kae, Sarah?”

Abraham o Mo lebeletše, o rile, “Gobaneng, o ka tenteng ka morago ga Gago.”

219 O rile, “Abraham, Ke ya go go etela go ya ka nako ya bophelo. Nna,” lešalaina lela gape, yena yo Motee, a mo fa leina. Le a bona? “Ke ya go go etela go ya ka nako ya bophelo.”

220 Gomme Sarah, ka gare ga tente ka morago ga Monna, o rile, “Nna, mokgekolo? Gobaneng,” o rile, “ga se ke be le boipshino le morena wa ka,” monnamogatša wa gagwe fale, “ka gore, mohlomongwe e bile mengwaga ye masomepedi.” O rile, “Nna mokgekolo, le morena wa ka gape re tšofetše? Re na le boipshino gape go swana le batho ba baswa?” Gomme yena, se re se bitšago, a segela godimo ga matsogo a hempe ya gagwe, mohuta wa go yenamong.

Gomme Morongwa o rile, “Gobaneng Sarah a segile?” Fše! A mo tšhoša go iša lehung. E be e le eng?

221 Bjale, e be e le eng seo? Gomme Monna yola a boletšego le Abraham, Abraham o Mmiditše Modimo, tlhakakgolo M-o-r-e-n-a. Gomme moithuti yo mongwe le yo mongwe wa Beibele o a tseba gore Yoo ke—Yena mobagana ka Boyena, Elohim, le a bona, Modimo yo a lego gona ka Boyena.

Monna yo mongwe o rile go nna, o rile, “O ka se dumele yoo e be e le Modimo?”

222 Ke rile, “Beibele e rile E be e le Modimo.” Ke rile, “Gobaneng, ke eng seo go Modimo?” Ke rile, “Re dirilwe ka dielemente tše lesometshele, yeo ke khalesiamo, photaše, le petroleamo, le seetša sa khosmiki.”

223 Modimo o nno obeletša le go tšea go tlala seatla ga dielemente tšela tša lefase, o rile, “Fše! Gatela ka kua, Gabariele, re ya tlase Sodoma.” O obeleditše le go tšea le lengwe la lehupa, “Fše! Gatela ka kua, Mikaele,” gomme, “Fše!” a tsena ka go Yenamong. Gobaneng, O dirile! O jele, O ja—O ja namane yeo Abraham a e bolailego (A yeo ke nnete?), o nwele maswi, le go ja borotheo tsoko bja lehea, le go ja potoro. Yeo ke nnete. Modimo! Gabortse, ke—ke thakgetše. Ga se selo go Modimo, o no lebala ke Yena Mang. Ke thakgetše kudu.

224 Ke na le feela e ka ba meriri ye mene goba ye mehlano e šetšego, le a tseba, gomme letšatši le lengwe ke be ke kama yona

meriri ye mene goba ye mehlano, gomme mosadimogatša wa ka o rile go nna, o rile, “Billy, o ba le hlogo ya lefatla.”

Ke rile, “Eupša ga se ka lahlegelwa ke o tee wa yona.”

O rile, “Eng?”

Ke rile, “Ga se ka lahlegelwa ke o tee wa yona.”

O rile, “Ke a go rapela, mpotše moo e lego.”

225 Ke rile, “Go lokile, moratiwa, ke tla dira. O mpotša mo e bego e le gona pele ke e hwetša, e kua e ntetetše go tla go yona.” Yeo ke yona. Yeo ke nnete.

226 O rile, “Moriri wo mongwe le wo mongwe wa hlogo ya gago o badilwe. Ga se gona se tla lahlegago. Ke tla o tsoša gape ka matšatšing a mafelelo.” Yo a mphilego yona bjale, a A ka se kgone go e neela morago gape ka tshepišo? Ge A ka kgona go ntira se ke lego sona ntle le kgetho, ke ga kae go fetiša A ka kgonago go ntirela morago ka kgetho, ka go Mo tšea? Amene.

227 Oo, ke ikwela bodumedi bjale, ee, mohlomphegi, go tseba gore go tla tsogo, gomme re tla bušetšwa gape boka A bontšhitše Abraham ka fale. Hlokomelang. Bjale, Jesu o rile yoo e be e le—yoo e be e le Modimo a bonagaditšwe nameng ya motho.

228 Ke nyaka go le botšiša se sengwe. A ga go makatše, go kereke yela ya mehleng ntle kua, ga se ra ke ra tsoge, ka go mabaka ohle, ga se nke ra ke ra ba le monna, modiredi, ka go tšona dikereke yoo leina la gagwe le feletšego ka h-a-m go fihla lehono? H-a-m. Le tseba seo, nnete? Re bile le Moody, Sankey, Billy Sunday, le Knox, Calvin, Spurgeon; Bohle go theoga, re bile le mehuta yohle ya banna, eupša ga se nke le o tee a felela ka h-a-m, G-r-a-h-a-m, go kereke tlase ka Sodoma. G-r-a-h-a-m, motseta go kereke ka Sodoma, a laetša tlwa Molaetša wo o bego. . . ba o dirile nako yela. Gomme a Jesu ga se a ke a re, “Bjalo ka ge go bile ka matšatšing a Sodoma. . .”? Fao go Billy Graham, G-r-a-h-a-m, ntle kua ka tšhemong.

229 Bjale, O romela motseta go Kereke ye e kgethilwego, bakgethiwa ba Pentecostal, bagogelwantle, e sego ntle kua ka kerekeng ya mehleng, eupša Kereke ya go kgethiwa. Gomme Kereke ka go Yonamong ke Moya wo Mokgethwa o sepela ka Kerekeng ke se dirago mediro. Woo e be e se mmele wola wa nama, ka kgonagalo o nyamaletše. Eupša e be e le Modimo ka nameng yela, go laetša gore Modimo gape o tla dula ka nameng ye e lopolotšwego ya Kereke ya Gagwe ka matšatšing a mafelelo gomme o tla dira leswao le le swanago, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” Haleluya! Ke lena bao, Jesu Kriste wa go swana maabane, lehono, le go ya go ile. “Bahlomphegi, re rata go bona Jesu.”

230 Oo, nnete. Le tla bona eng? Ponagalo ya Lentšu. “Gomme Lentšu le bogale go feta tšhoša ya magalemabedi, le phuleletša

ebile go aroganya lerapo, le Mohlathi wa dikgopolo le maikemišetšo a pelo.” Bagwera, yoo e be e le Jesu maabane. Gomme ge Lentšu le bonagaditšwe gape lehono, a e ka se be Jesu lehono? A go tla swana maabane . . . ? Ke ba bakae ba dumelago seo? A re rapeleng.

<sup>231</sup> Tate wa Legodimong, bja Gago bjo bogolo, Bogona bja go hlomphega bo ka fa bo dira bana ba Gago go thaba, bo tšhollela oli ya tumelo ka pelong ya bona, go amogela ditšhegofatšo tša Modimo tseo di beetšwego bona. Bjale, re biditšwe ka Leina la Gago, gomme O rile ge re ka kgobokana le go rapela, gore O tla kwa go tšwa Legodimong, wa fodiša naga. Gomme ke rena ba, bošegong bjo, godimodimo fa, mo bofelong bja ditsela, ntle mo dihlahakhlakeng, ntlentle go feta Lebopo la Bodikela, tsela morago. Gomme O rile . . . moprofeta o rile, “Go tla ba Seetša nakong ya mantšiboa.”

<sup>232</sup> Ba dutše ka moagong wo, bošegong bjo, ke Maindia ao O a beilego mo, gomme sephiri se na le Wena, ka fao O nago le bona fa, eupša O ba tlišitše fa. Re thwi mo mollwaneng wa meetse. Gomme re bona motseta yo a ilego go ye e bitšwago Peu ya Abraham, kereke maemong, yo a tlilego ntle kua ka Babilonia, a laetša leswao la gagwe ntle kua.

<sup>233</sup> Oo, Morena, re a rapela, bošegong bjo, gore ka Leina la Jesu gore O tla dira sehlopha se sennyane se sa batho go tseba gore ga se O hwe, O tsogile go tšwa bahung, gomme mengwaga ye dikete tše pedi ya tshwaswalatšo ga se e kgone go Go fediša. O sa le mo, go netefatša gore O a swana maabane, lehono, le go ya go ile.

<sup>234</sup> Tate wa Legodimong, sehlopha sa go ratega sa batho fa, ba dutše ka moagong wo wa go fiša, gomme bjale, ba putse, Morena, gomme ke lebeletše ka tlhologelo ya ngwana, ka pelo boka ngwana tikologong ya nako ya Krisemose, ke letile. E ka ba . . . Mengwaga ye yohle, Morena, ga se nke O re palediša, eupša go le bjalo, pelo ya ka e taboga nako le nako ge ke nagana ka Wena o etla ka Bogoneng bja rena, goba rena ka Bogoneng bja Gago. Bjale, ke a rapela, Tate, gore O tla tla ka dipelong tša rena.

<sup>235</sup> Efa batho ba tumelo, bošegong bjo, go dumela. Gomme efa bjale gore O tla mpha tumelo, Morena. Eupša tumelo ya ka ntle le ya bona e ka se hole, re swanetše go ba le tumelo mmogo, gobane re ngatana, re Mmele wa Morena Jesu. Gomme re kgobokane renabeng mmogo ka go holo ye nnyane ya go kgeiga bošegong bjo bjalo ka ge ba dirile ka matsatšing a a fetilego, mengwaga ye dikete tše pedi ya go feta.

<sup>236</sup> Gomme bjale, re rapetše ka kamoreng ye ya godingwana, bošegong bjo, gore O tla sepelela ka mo gomme o tla laetša, go batho ba, gore O sa phela. Gomme, Tate, ge O ka no e dira, yo mongwe le yo mongwe ka fa o tla tloga a thabile, ba tla tloga ba dumela bakeng sa bolwetši bja bona le dibe tša bona go lebalelwa, ba tla ba le tlhohleletšo. Ba . . . Bontši bja batho ba ba



go šokiša bao ebile ba se nago go lekanela go ja, mohlomongwe, gomme ba bangwe ba bona ba—ba tlase go bophelo bja go se lekanele, ba bangwe mohlomongwe ba, Morena, ba no katana letšatši ka letšatši. Gomme bohle re bahloki, Morena, gomme re—re leka go—re leka go dira Legodimo Legae la rena.

237 E tla magareng ga rena bošegong bjo, Tate. Mantšu a ao ke a rerilego, a tla no wela ka thoko ga tsela ge O sa tle le go a tiišetša. E fe, Morena. Re tla Go leboga. Re e kgopela Leineng la Jesu. Amene.

238 Bjale, ke ya go le botša . . . Ke kotara go fihla go lesome. A le ka mpha feela wo monnyane, mothalo wa thapelo wo mokopana, e ka ba metsotso ye lesometlhano? A re . . . A le tla e dira? Go lokile. Bjale, ke a dumela Billy o rile o file, bontši gakaakang? E ka ba dikarata tša thapelo tše masometlhano? Go lokile.

239 Bjale, dikarata tša thapelo . . . Yo mongwe le yo mongwe, o na le karata ya thapelo, e sware ka mokgwa *wo*. E no ba karata ye nnyane ya thapelo le nomoro godimo ga yona, e na le nomoro godimo ga karata ya thapelo. Gomme bjale, re rata go bona . . . A re boneng, re tla thoma kae? A re thomeng go tee, bošegong bjo. Tee, pedi, tharo, nne, tlhano. A re ba boneng ba emelela. Tee, pedi, tharo, nne, tlhano. Karata ya thapelo nomoro tee, ke mang a nago nomoro tee, pedi, tharo, nne, tlhano? A re boneng seatla sa gago. Tee, pedi, tharo. A re boneng yo mongwe. Tee, pedi, tharo, nne, tlhano.

240 A o na le nnete batho bohle ba tseba Seisimane? Bohle le tseba Seisimane? Ke mang a nago karata ya thapelo nomoro tee? Phagamišetša seatla sa gago godimo. Nomoro tee, nomoro pedi, pedi. Moindia a ka bolela bjang pedi, ge a ka e bolela ka leleme la gagwe mong? Go lokile. Le e kwele. Nomoro pedi, karata ya thapelo nomoro pedi? Nomoro tharo, ke mang a nago nomoro tharo? Mohumagadi o ne nomoro tharo. Nomoro nne, ke mang a nago nomoro nne, karata ya thapelo? Mohumagadi yola fale. Go lokile.

241 Ka nnete go na le yo motee, ba babedi, goba ba bararo mo felotsoko. Lebelelang, yo mongwe le yo mongwe lebelelang go dikarata tša yo motee go yo mongwe. Lebelela godimo . . . Yo mongwe le yo mongwe, o na le karata, emišetša seatla sa gago godimo. Yo mongwe le yo mongwe, o na le karata ya thapelo, emišetša seatla sa gago godimo. Bjale, lebelelang karata ya yo motee go yo mongwe. Lebelelang godimo . . . Le a bona, mohlomongwe ga ba kgone go kwa. Le a bona e ka no ba yo mongwe sefoa, gomme—gomme ke ba foša thwi kgauswi. Le a bona? Ba . . . Goba mohlomongwe ga ba kgone go sepela, ba golofetše gomme ga ba kgone go sepela. Tee, pedi. Ke mang a nago le tee goba pedi? Tharo, mohumagadi o nayo. Nne, re nayo. Go lokile. Tlhano, tshela, šupa, seswai, senyane, lesome. Go lokile. A nke ba eme godimo le go tla godimo fa. Tee, pedi, tharo,

nne, tlhano, tshela, šupa, seswai, senyane, lesome, a nke ba no tla thwi godimo fa mo khoneng. Yeo e lokile. Tee, pedi, tharo, nne, tlhano, tshela, šupa, seswai, senyane, lesome. Tee, pedi, tharo, nne, tlhano, tshela, šupa.

<sup>242</sup> Go ne dikarata tše tharo di a hlokega bjale. Go ne tše tharo tša tšona di a hlaela bjale. Le a bona, ke lebaka lefe ke nyakago go hwetša ye nngwe le ye nngwe ya tšona, gobane yo mongwe o a ngwala le go mpošša moragorago, o rile, “Gabotse, ga go yo a mpoditšego. Ke be ke le sefoa. Ga se ke kgone go tsoga gomme ga go yo a mpoditšego.” Le a bona? Tee, pedi, tharo, nne, tlhano, tshela, šupa seswai, senyane, lesome.

<sup>243</sup> Yo mongwe šo, moisa yo mo. Bjale, nomoro ya gagwe ke eng? Pedi? Go lokile, tee. Tee, karata ya thapelo tee? Re na le pedi, tharo. Tee, pedi, tharo, nne, tlhano, tshela, šupa, seswai, senyane. Re hloka e tee. Nomoro tee? Gabotse, ge ba gatetše ntle, mohlomongwe ba gatetše ntle, gomme ba tla ba morago ka gare, feela mo motsotsong. Go lokile. Ge ba dira, ba na le lefelo la bona ka mothalong.

<sup>244</sup> Bjale, elelwang, yo mongwe le yo mongwe a swerego karata ya thapelo, ge re sa fihle go yona bošegong bjo, re ya go fihla go yona, gomme re ya go rapelela yo mongwe le yo mongwe yoo a tlogo kopanong gomme a nyaka go rapelelwa.

<sup>245</sup> Bjale, a re boneng. Yeo ke lesome, senyane. A re boneng lesome, lesometee. Ke mang a nago karata ya thapelo lesometee? Aowa? Lesomepedi? Go lokile, mohlomphegi. Lesometharo, lesomenne? Go lokile, mohumagadi, godimo fa. Lesometlhano?

<sup>246</sup> Bjale, ge o etla . . . A nke ke bolele se. Le a bona? Bjale, ge o etla gomme o hwetša karata, swarelela go yona. Le a bona? O se e fetole, o e fa yo mongwe; o swanetše go ba mo go e hwetša ka bowena. Tšea karata ya gago gomme o e sware. Le a bona? Le a bona, yo mongwe gape a ka kgona go tšea lefelo leo. Le a bona? Ge o hwetša karata, e sware. Ga re tsebe mo re lego . . . Moya wo Mokgethwa o tla ba le rena re goga, gomme re—re le nyaka fao ka nako yeo. Kafao o a tla, hwetša karata ya gago.

<sup>247</sup> A re thomeng thwi ka seo. Ba bangwe ba tla ka gare, gomme re na le e ka ba babedi goba ba bararo ba timetše, eupša seo se tla loka. Bjale, re nyaka le—le dumele bjale ka pelo ya lena yohle.

<sup>248</sup> Bjale, ke nyaka šedi ya lena fa. Ke ba bakae ka moagong ba ba babjago, gomme ga ba na le karata ya thapelo gomme ba ka se bitšwe ka mothalong? Phagamišetšang diatla tša lena godimo. A re boneng. Yo mongwe le yo mongwe? Gabotse, ka kgonagalo e no ba tsela yohle go dikologa.

<sup>249</sup> Bjale, fa, bjale ge ba sa hwetša mothalo wola wa thapelo godimo go kgabola kamora yela fale, ke nyaka go le botšiša se sengwe. Theetšang bjale, sekgauswi bjale. Bjale, sohle ke se boletšego se tla ya ka lefeela ge go se bjalo. Ge . . . Motho e ka ba mang a ka bolela e ka ba eng. Eupša ge Modimo . . . Ge e se ka

go Lentšu la Modimo, le se e dumele lefelong la pele, eupša ge E le Lentšu la Modimo, gona lebelela Modimo go boloka tshepišo yeo, gobane Modimo o swanetše go boloka tshepišo ya Gagwe gore a be Modimo. Ge eba ke ya go botega, ke swanetše go boloka tshepišo ya ka. Le a bona? Monna wa go hlomphega—monna wa tlhomphe ka mehla o boloka lentšu la gagwe. Le a bona? Ka mehla o boloka lentšu la gago.

<sup>250</sup> Bjale, yo mongwe le yo mongwe wa lena ntle kua, yo a sego ka go mothalo wo wa thapelo, gomme a ka se be ka go wona, ntle le dikarata tša thapelo, o no lebelela ka tsela ye. A nke ke go botše se o se dirago.

<sup>251</sup> Go bile le mosadi yo monnyane, nako ye nngwe, ka Beibeleng. Ke ya go le fa kanegelo ye nnyane. O be a se ne karata ya thapelo le gona, eupša o bone Jesu a etla go kgabaganya lewatle, gomme o be a le tlase kua, yo mongwe o mmoditše O be a le tlase. Gomme o dumetše ge feela a ka kgwatha kobo ya Gagwe gore o tla fola. A le kile la kwa kanegelo? Ke ba bakae ba kilego ba e kwa? Kgontho.

<sup>252</sup> Mosadi o kgwathile. . . O bile le taba ya madi. Gomme bjale, elelwang, gomme ke bile ka nageng yela, seaparo sa Mapalestina se lekelela go hlepha, ke kobo, gomme se na le seaparo sa ka tlase ka fase ga seo, go tloša lerole go tloga maotong.

<sup>253</sup> Bjale, ge a kgwathile morumo wa kobo ya Gagwe, nameng, ga se A e kwa, le tseba se ke se rago, ga se A e kwa ka mmeleng wa Gagwe. Eupša o boletše bokagare bja gagwemong, “Ke a dumela Ke Monna yo mokgethwa, gomme ge nka no kgona go Mo kgwatha, ke tla dirwa go fola.” A yeo ke nnete? Gomme o bile le taba ya madi.

<sup>254</sup> Gomme o kgoromeditše go kgabola lešaba, gomme o ile tlase, gomme o kgwathile morumo. E be e le bokgole *bjoo* go tloga maotong a Gagwe, moo seaparo sela se otlologelago ntle. Gomme o kgwathile morumo wa kobo ya Gagwe, gomme a tsoga, gomme a ya morago, gomme mohlomongwe a dula fase ka go batheeletši, gomme Jesu o eme, O rile, “Ke mang a Nkgwathilego?”

Gomme a le tseba se Petro a se boletšego? Petro o Mo kgadile, o rile, “Morena, gobaneng O ka bolela selo boka seo?” O rile, “Gabotse, yo mongwe le yo mongwe o a Go kgwatha.”

“Halo, Rabi, Moprofeta yo mogolo wa Modimo.” “Wena mofori.” Yo mongwe le yo mongwe, le a bona, yo mongwe le yo mongwe o a Mo kgwatha.

O rile, “Yo mongwe le yo mongwe o a Go kgwatha. Gobaneng O ka re ‘Ke mang a Nkgwathilego?’”

<sup>255</sup> O rile, “Eupša Ke a bona gore Ke fokotše. Bokwala,” maatla, “a tlogile go Nna, Ke fokotše.” Mosadi yo motee yo monnyane yola o Mo kgwathile le go Mo dira a fokole. Gomme O retologile, gomme O lebeletše godimo ga batheeletši go fihlela A mo

hweditše, o mmoditše se bothata bja gagwe bo bego bo le, le go re tumelo ya gagwe e mo fodišitše. A yeo ke nnete?

Bjale, yoo e be e le Jesu Kriste maabane. A yeo ke nnete? Gabotse, ge A swana lehono, a A ka se dire go swana?

<sup>256</sup> Bjale, bakeng sa banešu badiredi, ba ka nyaka Lengwalo bakeng sa seo, ke ya go le fa le tee bjale. Beibele e rile, ka go Bahebere tema ya 3, gore Jesu Kriste, gonabjale, lehono, ke Moprasta yo Mogolo yoo a kgonago go kgwathwa ke maikutlo a mabofokodi a rena. A yeo ke nnete, baena? Ke ba bakae ba tsebago yeo ke therešo, Beibele e bolela seo? Gore Yena ke yo Mogolo. . . Gabotse gona, ge A le Moprasta yo Mogolo wa go swana, O tla dira bjang lehono? Go swana le ge A dirile nako yela. A seo se Mo dira wa go swana maabane, le go ya go ile?

<sup>257</sup> Gona bjale, ge o etla fa le go nkgwatha, ke bjalo ka papago, goba ngwaneno, monnamogatša, goba eng gape, go ka se dire nthatana ya botse, ke no ba motho, kgwatha modiša wa gago, selo sa go swana. Eupša o a Mo kgwatha le go bogela Moya o sepelela fase. Le a bona? Amene. Yeo ke yona, le a bona. Seo se Mo dira wa go swana maabane, le go ya go ile. E ka se be nna, e tla ba mpho ye A šomago ka yona.

<sup>258</sup> Ngwanešu Wood, a o tlišitše tšona diswantšho le wena goba e ka ba eng? O—o di swere? Oo, o bile le tšona godimo kua sefaleng? A o di bone bošegong bjo? Re tla ba le tšona gosasa bošego. O ka rata bjang go bona seswantšho sa Gagwe? Re na le sona thwi mo, ngwanešu. Gonabjale, go lekeletše ka Washington, DC, tshwanelo ya go gatiša, Sephedi sa kagodimogatlhago se nnoši se kilego sa tšewa senepe, yona Pilara yela ya Mollo ya go swana yeo e latetšego bana ba Israele, Yona še. Gomme E tla dira modiro wa go swana woo E o dirilego.

<sup>259</sup> Jesu o rile, “Ke tšwa go Modimo gomme ke ile go Modimo.” O hwile, a tsoga, a rotogela ka Legodimong. Gomme Paulo, tseleng ya gagwe go theogela Damaseko, Pilara ya Mollo ye kgolo e mo rathile go fofala. O rile, “Morena, Wena o Mang?”

O rile, “Ke nna Jesu.” A yeo ke nnete? Wa go swana maabane, lehono, le go ya go ile.

<sup>260</sup> Bjale, lena ntle le karata ya thapelo, le lebelela ka tsela ye, gomme le no thoma go rapela. O thoma go rapela, o re, “Morena Jesu, ke a Go dumela. Gomme mokgalabje yo monnyane yola a emego godimo kua, sefaleng, ga a ntsebe.”

<sup>261</sup> Gabotse, ga go motho ka moagong wo ke mo tsebago, ka ntle ga Ngwanešu Wood, ke mmona a eme morago kua. Ke a dumela bao ke, baena ba mmalwa fao, Ngwanešu Fred Sothmann go tšwa Canada mo, ke a mo tseba. Eupša ga go yo motee ka tikologong ye mo, fao. . . Ke ba bakae ba lena bao le lego mosetsebje go nna? Phagamišang diatla tša lena. Yo mongwe le yo mongwe o a tlabo, le go tseba gore ga ke go tsebe, phagamiša seatla sa gago. Lena batho ka mothalong wa thapelo, le a tseba

ke mosetsebj e go lena, emišetša seatla sa gago godimo. Le a bona? Go lokile.

<sup>262</sup> Bjale, o no dumela le go re, “Morena Jesu, ka tumelo ke a dumela gore se ngwanešu yola a se boletšego ke Therešo. Ke a babja, Morena, a nke ke Go kgwathe.” Gomme gona e re. . . Dira godimo ga Gagwe. Šetšang Moya wo Mokgethwa o sepela thwi go theoga go kgabola fa le go dira selo sa go swana A se dirilego. Ge O sa e dire, gona ke nna moprofeta wa maaka. Ge O e dira, gona o a O dumela. Yeo ke nnete.

<sup>263</sup> Bjale, monna yo fa, a o file mošemane karata ya gago ka fale? Ya, gabotse. O bolela Seisemane go lokile? Re—re basetsebane seng sa rena. Ke a dumela ke ngwanešu wa Moindia. A ke. . . Moindia? Gabotse, ke rena ba, basetsebj e ba babedi, banna ba babedi, ga se ba ke ba kopana pele ka bophelong. Bjale, o eme fa, o no ba motho, ke ema fa bjalo ka motho. O fa bakeng sa lebaka tsoko ga ke tsebe. Ga se ka ke ka mmona, gomme ke. . . gabotse, le ke lekga la rena la mathomo.

<sup>264</sup> Eupša bjale, ge Kriste a swana maabane, lehono, le go ya go ile, a ka no ba. . . gomme monna yo a ka no ba fa bakeng sa, mohlomongwe ke ditlhoko tša mašelang, mohlomongwe ke bothata bja selapa, se sengwe sa phošo ka lapeng la gagwe. E ka no ba gore o a babja, goba mohlomongwe o eme mo bakeng sa yo mongwe gape. Ga ke tsebe, ga se ka tsoge ka mmona. Eupša bjale, ge a ka be a eme fa, gomme ke rile, “Letago go Modimo. Haleluya! Modimo o nthometše go rapelela balwetši,” ka bea diatla godimo ga gagwe. Ke tla re, “O a babja, morena?”

O be a tla re, “Ee, ke a babja.”

<sup>265</sup> Ke bea diatla godimo ga gagwe, ka re, “Letago go Modimo. Sepela, o fole.” Seo se tla loka. Eupša go ka reng ge Moya wo Mokgethwa o etla tlase fa, le go mmotša se a bilego? O tla tseba ge eba yeo ke therešo goba aowa. Gomme ge A tseba se a bilego, ka kgonthe a ka dumela se a tla bago, ge A ka kgona go mmotša se se bilego. A yeo ke nnete? Bjale, ke ba bakae ba tla dumelago seo ka pelo ya lena yohle? E re, “Ke tla amogela.” Bjale, a nke Morena Modimo a e fe.

<sup>266</sup> Ke no nyaka o lebelele ka tsela ye, mohlomphegi, go no bolela le wena motsotso, go beng mosetsebj e. Gomme ge eba go ne tsela e ka ba efe yeo nka kgonago go e dira go go thuša, ke tla e dira. Eupša ge Morena Modimo a ka mpoša, boka, se o lego fa bakeng sa sona, se o se dirilego, se se lego ka go. . . o swanetšego go be o dirile, goba se e lego phošo ka wena, goba se sengwe, o tla tseba ge eba yeo e be e le therešo goba aowa. Gomme kafao, gona re. . . Go tla dira batheetšiši go dumela. Go go dira o dumele, a go ka se ke? Gobane o a tseba ke tla ba. . . Nka se kgone go e dira nnamong, gobane ke no ba motho, boka o le, e swanetše go ba maatla tsoko a kagodimogatlhago. Gomme ge e le maatla a kagodimogatlhago. . .


267 Bjale, Bafarisei ba letšatši lela ba rile e—e be e le Beletsebubu, diabolo, bonang se se diregilego go bona. Bona bao ba dumetšego e bile Kriste, ba amogetše moputso wa Kriste.

268 Bjale, ke a le botša bjale, monna, a emego fa, o ka tlase ga bothata. Yeo ke nnete. O eme fa gobane ga a tsebe ke tsela efe go ya, gobane ke se sengwe sa go tlabana, ke lekga la mathomo ka nageng ye. O se ke wa tšhoga, mohlomphegi, Seo se ka se go gobatše, Yoo ke Kriste. A nke ke le bontšhe gore Ke lona. Le a bona? O mo bakeng sa phodišo, o a fokola, o bile le bothata tsoko, o bile ka kamoreng ya karo. O bile le karo, gomme yeo e bile bakeng sa alesa ka mogodung, gomme o bile go fokola ka kgonthe godimo ga seo. Gomme o mo bakeng sa... A yeo ke nnete? Phagamišetša seatla sa gago godimo. Go fedile gohle, gomme o ya go fola. Modimo a go šegofatše. Tumelo ya gago e go dira o thakgafale.

269 O a dumela? “Mohlomphegi, re rata go bona Jesu. Re rata go bona Jesu.” Bjale, ka kgonagalo bagwera ba gagwe ba Maindia ntle fale ba mo tsebile. Ge—ge le ka no dumela. Go lokile.

270 Bjale, mosadi šo go tšwa go Anglo-Saxon. Bjale, monna šo le mosadi, ke a nagana re basetsebane seng sa rena, re... lekga la mathomo re kopane. Bjale, ga ke tsebe mosadi, ga se nke ka ke ka mmona bophelong bja ka. Ke mosetsebjhe. Gomme bjale, ka kgonagalo re... O tšofetše gannyane go mpheta, gomme re—re... tswetšwe dimaele go arogana le mengwaga go arogana, gomme le ke lekga la mathomo re kopana. Eupša bjale, ge Moya wo Mokgethwa wa Modimo o ka ntumelela go tseba se o lego mo bakeng sa sona, goba se sengwe ka wena, o tsebagore ga ke se tsebe, gona, go go dira o dumele, a go ka se ke? Go lokile. O no dumela bjale.

271 Mohumagadi, ke mmona a dutše tafoleng, aowa, o a katakata. Ke mogodu wa gagwe, o na le bothata bja mogodu. Yeo ke nnete tlwa. Seemo sa mala, gomme se hlola go swa, diesiti, le go ya pele. O na le seemo sa letšhogo, go go dira gore o be leutu, thari kudu mantšiboa o a lapa gohle le go kgeiga. Yeo ke nnete. A o a dumela Modimo a ka mpotša o mang? A seo se tla go thuša? Mohumagatšana Berling. Gomme... Yeo ke nnete. Go lokile. Sepela, dumela bjale, bothata bjoo bja mogodu bo tla go tlogela gomme o tla fola.

272 A o dumela ka pelo ya gago yohle bjale? Go lokile...?... E no ba le tumelo. O se belaele. Go lokile. Bjale, bjale, seo se ntira go fok-... 

62-0724 Mohlomphegi, Re Rata Go Bona Jesu  
Legion Auditorium  
Port Alberni, British Columbia Canada

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)